

OBOR

BELIA

BUKU 15

PENYELAMATAN: YAKIN & PERCAYA



Penerbitan Kristian

OBOR BELIA

Penulis (Bahasa Inggeris): Goh Kim Guat

Kim Guat aktif dalam pelayanan belia dan kanak-kanak. Dia telah memperoleh B.A. (Hons) di Bryn Mawr College, U.S.A. dan M.Ed. di Harvard Graduate School of Education.

Penterjemah: Steffisley Mosingki & Leni Umis

Leni adalah seorang Dusun Tobilung dari Kota Marudu, Sabah. Dia banyak melibatkan diri dalam kerja-kerja administrasi sebuah gereja berbahasa Malaysia di Subang Jaya. Steffisley adalah seorang penuntut berketurunan Rungus dari Pitas yang kini sedang menuntut di Malaysia Bible Seminary. Dia adalah pengasas dan pemimpin pelayanan Vazaan (Jalan) khusus untuk pelayanan suku kaum Rungus.

Penyunting: Randy Singkee

Randy banyak terlibat dalam penulisan dan penterjemahan sejak tahun 1993. Dia memperoleh B.A. (Hons) dari Universiti Malaya dan M.Sc. dalam bidang Geographical Information Systems (GIS) dari University of Edinburgh, UK.

Cetakan Pertama: September 2010

Penerbit : Wawasan Penabur Sdn. Bhd.
wawasan.penabur@gmail.com
Pencetak : Akitiara Corporation Sdn. Bhd.
Kulit Buku : Randy Singkee
Artis Ilustrasi : Eugene Tan

Petikan Alkitab diambil dari

Alkitab Berita Baik © 1996, Bible Society of Malaysia
Alkitab Terjemahan Baru © 1974, Lembaga Alkitab Indonesia

Hakcipta © 2010 Wawasan Penabur Sdn. Bhd.

Hak Cipta terpelihara. Tidak dibenarkan mengeluar ulang mana-mana bahagian artikel, ilustrasi, dan isi kandungan buku ini dalam apa juga bentuk dan dengan cara apa juar sama ada secara elektronik, fotokopi, mekanik, rakaman atau cara lain sebelum mendapat izin bertulis daripada Penerbit.

I si Kandungan

1	Sebelum Anda Bermula
4	Mukadimah: Penyelamatan: Yakin & Percaya

Lembar Kerja

6	Sesi 1: Bilakah Saya Diselamatkan?
12	Sesi 2: Saya Terlalu Jahat Untuk Diampunkan
18	Sesi 3: Mengapa Saya Tidak Merasa Hadirat Tuhan?
22	Sesi 4: Mengapa Tuhan Tidak Menjawab Doa Saya?
26	Sesi 5: Kita Dicipta Menurut Gambar-Nya
30	Sesi 6: Gambaran Yang Rosak
34	Sesi 7: Salib: Kasih Dinyatakan
40	Sesi 8: Satu Dunia Yang Baru

Panduan Pembimbing

47	Sesi 1
53	Sesi 2
60	Sesi 3
66	Sesi 4
73	Sesi 5
78	Sesi 6
83	Sesi 7
87	Sesi 8

Sebelum Anda Bermula...

Memperkenalkan **OBOR BELIA**

OBOR BELIA dituliskan sebab:

- Para belia dan muda-mudi masih mencari program yang lebih berkesan dan yang dapat memenuhi keperluan mereka.
- Para belia dan muda-mudi masih kekurangan pembelajaran sistematis yang dapat meletakkan dasar iman teguh di tengah-tengah tekanan kehidupan moden ini.
- Kebanyakan buku pemuridan tidak dituliskan menurut konteks dan masalah-masalah yang dihadapi oleh belia dan muda-mudi yang hidup sebagai umat Tuhan di negara ini.

OBOR BELIA merupakan kurikulum yang memuat kaedah-kaedah kreatif dan praktikal agar Injil dapat disampaikan sesuai dengan keperluan para belia dan muda-mudi zaman sekarang. Kurikulum ini diolah untuk generasi muda Tubuh Kristus supaya mereka mengenal iman mereka secara mendalam dan hidup setia sebagai umat Tuhan di negara ini. Kurikulum ini akan memberi anda peluang untuk berbincang, bertukaran pendapat, berdoa bersama, belajar daripada satu sama lain, dan berseronok bersama. Setelah mempelajari kurikulum ini, anda akan mengetahui bahawa menjadi seorang Kristian memang relevan, mencabar, teruja dan anda akan menemui apa yang anda kehendaki untuk kehidupan anda.

Cara Menggunakan **OBOR BELIA**

OBOR BELIA dicorakkan untuk pertemuan mingguan yang boleh digunakan di persekutuan di sekolah, rumah atau gereja. Anda juga boleh mengubahsuainya untuk kelompok kecil anda.

Siri buku ini mempunyai dua bahagian besar: Lembar Kerja dan Panduan Pembimbing yang memberi panduan dan aktiviti-aktiviti kreatif untuk topik-topik buku ini.

Panduan Pelajar terdiri daripada Kata-Kata Mutiara, Ayat Mas Alkitab, Aktiviti Bersama, Renungan Firman Tuhan, Renungan Peribadi dan Doa. Panduan Pembimbing pula mempunyai tiga aspek tambahan iaitu Objektif-Objektif Sesi, Aktiviti Pencetus Minat, Jawapan Firman

Tuhan serta kaedah ajaran yang boleh digunakan.

Pembimbing atau pemimpin kelompok harus membaca Lembar Kerja dan Panduan Pembimbing untuk memahami seluruh pelajaran ini dan cara menyelenggarakannya.

Dalam Siri Buku **OBOR BELIA** ini, anda akan menemui yang berikut:



Ayat Mas Alkitab

Ayat ini merupakan ayat yang penting dan perlu direnunggi bersama kelompok anda.



Kata-Kata Mutiara

Baca bersama ahli-ahli kumpulan anda dan jelaskannya secara singkat.



Aktiviti Bersama

Bahagian ini memperkenalkan tema utama sesi ini dengan menggunakan pelbagai permainan, lakonan, kertas kerja atau cara yang menarik untuk mencetus minat para peserta.



Renungan Firman Tuhan

Bahagian di mana Firman Tuhan akan dibentang dan dibincangkan. Pelbagai aktiviti dirancang agar mereka dapat melibatkan diri dalam Firman Tuhan.



Renungan Peribadi

Bahagian ini menggabungkan cara-cara kreatif dan praktikal untuk menggalakkan mereka merenunggi pelajaran hari itu serta menerapkan kebenaran yang telah dipelajari untuk kehidupan mereka, dan bukan sekedar mengetahuinya sahaja.




Doa

Pembimbing dan peserta digalakkan menutup setiap sesi dengan doa.

Untuk Pemimpin/Pembimbing

Panduan untuk memimpin dan membimbing sesi disediakan di bahagian akhir buku ini. Anda akan dibekalkan dengan nota-nota tambahan untuk setiap bahagian dalam sesi di Lembar Kerja.



Objektif-Objektif Sesi

Bahagian ini menjelaskan dengan terperinci objektif-objektif sesi. Pembimbing mesti membaca objektif-objektif ini sebelum mulakan pelajaran.



Pencetus Minat

Mencadangkan beberapa teknik pemanasan dan pencetus minat para pelajar dengan menggunakan permainan, lakonan, dan sebagainya.



Aktiviti Tambahan

Aktiviti atau pelajaran tambahan yang diolah untuk memperkuatkan lagi pengajaran Alkitab atau satu pernyataan.

Beberapa Panduan Berguna

*** Baca**

Baca bahagian Lembar Kerja dan Panduan Pembimbing jika anda sedang membimbing satu kelompok supaya anda boleh berfikir dan menyiapkan diri dengan mantap.

*** Doa**

Berdoa agar Tuhan memberi anda kebijaksanaan sewaktu mengendalikan topik dalam perbincangan. Jangan lupa berdoa agar Tuhan menyentuh dan mengubah kehidupan ahli-ahli kumpulan anda.

*** Persiapan**

Bahagian Renungan Firman Tuhan memerlukan paling banyak bimbingan dan ajaran daripada anda. Renungkan contoh-contoh yang dapat menolong anda menjelaskan ajaran anda dalam bahagian lain.

*** Santai & Ketawa**

Jangan terlalu serius dan kalau boleh berjenakalah sekali-sekala. Biar proses pembelajaran itu lebih berinteraksi, partisipasi dan santai.

Buku 15: Penyelamatan: Yakin & Percaya

Mukadimah

Semua orang pernah bergumul dengan persoalan serta keraguan mengenai Tuhan dan iman. Augustine, seorang sarjana terkemuka abad ke-4 mengalami pergumulan yang sama ketika dengan akalnya yang terbatas, cuba untuk memahami hubungannya dengan Allah yang tanpa batasan. Dalam karyanya yang berjudul *Confessions*, beliau menulis, "Saya ingin diciptakan di dalam kepastian sama seperti saya pasti bahawa tujuh tambah tiga ialah sepuluh."

Adakah anda juga menghadapi pergumulan sedemikian? Biasanya kita tidak berpeluang mengutarakan persoalan-persoalan yang mengganggu fikiran kita. Kita juga takut untuk mengajukan soalan sedemikian kerana bimbang akan pandangan orang lain terhadap kita.


Empat sesi pertama dalam buku ini akan membincangkan soalan-soalan yang sering dihadapi bukan sahaja oleh mereka yang baru dalam iman, tetapi juga oleh mereka yang berasal dari keluarga Kristian generasi kedua hingga keempat. Dengan terjawabnya keraguan-keraguan tersebut, adalah diharapkan satu dasar kerohanian dan kebenaran yang berasaskan firman Allah akan terbentuk dalam hidup mereka.

Gail MacDonald, isteri kepada Gordon MacDonald, seorang penulis Kristian dan pastor pernah menulis bahawa "api yang tidak dijaga tidak akan menghasilkan apa-apa kecuali longgokan abu". Demikian juga api kerohanian yang membara di hati para belia tidak boleh dibiarkan untuk menyala tanpa dikipas. Kita mempunyai tanggungjawab bukan sahaja memberitahu mereka tentang Yesus, tetapi juga membantu mereka membentuk satu asas keimanan yang kukuh agar tidak rapuh dan dapat berdiri teguh ketika menghadapi dugaan hidup.

Empat sesi seterusnya akan memperkuatkan lagi apa yang kita percaya, dan diharapkan akan membuka minda kita semua bagaimana Allah mengenapi rancangan-Nya dari awal penciptaan hingga akhir dengan mengutus anak-Nya Yesus untuk menebus kita dan memberikan kita satu kehidupan yang baru.

'Yesus berkata: "Akulah jalan dan kebenaran dan hidup. Tidak ada seorangpun yang datang kepada Bapa, kalau tidak melalui Aku." (Yohanes 14:6)

Bilakah Saya Diselamatkan?





Ayat Mas Alkitab

“Karena semua orang telah berbuat dosa dan telah kehilangan kemuliaan Allah, dan oleh kasih karunia telah dibenarkan dengan cuma-cuma karena penebusan dalam Kristus Yesus.”

(Roma 3:23-24)



Kata-kata Mutiara

Alkitab mengatakan bahawa kita akan menerima pengampunan dosa dan karunia kehidupan kekal sekiranya dengan iman kita percaya kepada segala sesuatu yang Allah telah lakukan untuk kita melalui Yesus dan menjemput Yesus ke dalam kehidupan kita.



Aktiviti Bersama

Mengenang Kenangan

Anda akan dibahagikan kepada beberapa kumpulan yang masing-masing terdiri daripada 4 atau 5 orang. Ingatkan dua pengalaman -- yang terbaik dan terburuk yang pernah terjadi kepada anda. Tuliskan:

Pengalaman/Kenangan Terbaik	Pengalaman/Kenangan Terburuk



Renungan Firman Tuhan

1. Apakah kasih menurut 1 Yohanes 4:10?
2. Apakah yang dilakukan oleh Allah terhadap kita? (1 Yohanes 4:10 dan Yohanes 3:16)

3. Apakah yang diberikan oleh Allah kepada kita melalui Anak-Nya Yesus Kristus? (1 Yohanes 5:11-12)

4. Apa yang dimaksudkan oleh Yohanes bahawa kita harus menerima dan percaya kepada Yesus untuk mendapatkan hidup yang kekal? (Yohanes 1:12-13)

5. Menurut Paulus, apa yang menjadikan kita anak-anak Allah? (Galatia 3:26)

6. Adakah kita harus bekerja keras untuk mendapatkan penyelamatan? Apa yang memungkinkan semua itu? (Efesus 2:8-9)

7. Apakah yang anda mengerti tentang iman menurut Ibrani 11:1-2?



Renungan Peribadi

Fakta & Iman

Setelah seseorang menjadi Kristian, seringkali terdapat jangkamasa awal di mana mereka akan bertanya-tanya sama ada mereka benar-benar telah terselamat dan sama ada Roh Kudus benar-benar tinggal di dalam diri mereka.

Pernahkah anda menjemput Yesus berkali-kali di dalam kehidupan anda hanya untuk kepastian? Ramai yang mengalaminya. Mungkin anda membesar dalam keluarga Kristian dan anda selalu beranggapan bahawa anda sudah diselamatkan. Ataupun anda masih tidak pasti saat ini samada anda sudah diselamatkan atau belum!

Apakah yang dikatakan oleh Alkitab tentang begaimana seseorang itu betul-betul sudah diselamatkan? Lihat di bawah!

Fakta

Baca petikan berikut. Kemudian tuliskan pendapat anda tentang apa yang dikatakan oleh petikan tersebut dalam konteks sewaktu anda menerima pengampunan dosa.

1 Yohanes 4:10	
Yohanes 3:16	
1 Yohanes 5: 11-12	
Wahyu 3:20	
Yohanes 1:12-13	

Jika diambil kira semuanya, pada pendapat anda, apakah yang ingin disampaikan oleh ayat-ayat ini tentang kita diselamatkan?

Pada pendapat saya

Iman

Mudah bagi kita untuk menerima sesuatu yang kita boleh lihat bukan? Anda tahu anda memilikinya kerana anda boleh melihatnya. Tetapi bagi keselamatan, mengetahui samada anda memilikinya ataupun tidak ialah satu hal yang berbeza.

Baca petikan di bawah. Kemudian dengan menggunakan perkataan anda sendiri, tulis kembali apa yang anda fikirkan petikan tersebut maksudkan.

Galatia 3:26	
Efesus 2:8-9	
Ibrani 11:1-2	

Kemudian bersama-sama, apakah yang anda rasakan petikan tersebut maksudkan mengenai iman?

Saya berpendapat Iman adalah....

Santapan Minda

"Kami tidak mematuhi perintah-perintah ini untuk mendapatkan keselamatan kita. Keselamatan adalah atas dasar mezbah yang mewakili kematian Kristus dalam lingkungan ruang dan waktu. Kita harus menerima keselamatan dengan tangan kosong iman. Sebaliknya, semua perintah tersebut adalah kenyataan bersyarat di tengah-tengah janji-janji tanpa syarat. Misalnya, adakah anda sebagai seorang Kristian ingin diampuni oleh Allah secara nyata? Maka miliklah hati yang mengampuni orang lain. Itulah yang dikatakan oleh Yesus."


~ Francis Schaeffer



Doa

Berdoalah kepada Tuhan supaya anda mempunyai kepastian yang kukuh dalam hati anda bahawa anda adalah milik Tuhan. Berdoa supaya Tuhan menolong anda untuk berjalan dalam firman serta janji-Nya dan tidak bergantung semata-mata kepada perasaan anda.

Saya terlalu Jahat Untuk Diampunkan





Ayat Mas Alkitab

"Sebab itu Aku berkata kepadamu : Segala dosa dan hujat manusia akan diampuni, tetapi hujat terhadap Roh Kudus tidak akan diampuni." (Matius 12:31)



Kata-kata Mutiara

Alkitab mengajar kita bahawa Allah mengampuni semua dosa kita jika kita mengakuinya. Ini terkecuali jika kita menghujat Roh Kudus.



Aktiviti Bersama Kesalahan & Hukuman

Dalam kumpulan anda, bincangkan yang berikut:

1. Pada pendapat anda, apakah 10 perkara paling keji yang boleh dilakukan oleh manusia? Tuliskan mengikut urutan.
2. Sekirannya anda ada peluang, apakah yang anda lakukan kepada orang-orang yang melakukan hal sedemikian?

10 Perkara paling keji	Apa yang akan anda lakukan terhadap orang ini?
1.	
2.	
3.	
4.	
5.	
6.	
7.	
8.	
9.	
10.	



Renungan Firman Tuhan

1. Baca 1 Yohanes 1:8-2:2. Apa yang dikatakan oleh Firman Tuhan tentang dosa dan pengampunan?
2. Baca Matius 12:22-32. Hanya satu kejadian di dalam Alkitab yang menyatakan tentang satu dosa yang tidak akan diampuni oleh Tuhan. Apakah itu?
3. Pada pendapat anda, apakah yang dimaksudkan oleh Yesus dalam Matius 12:31-32? Bolehkah anda memberi beberapa contoh?
4. Cuba senaraikan 5 contoh orang-orang yang berdosa dalam Injil, dan kenal pasti dosa-dosa yang telah dilakukan.

Contoh Orang Berdosa	Rujukan Alkitab
1.	
2.	
3.	
4.	
5.	

5. Apa yang dilakukan Yesus terhadap dosa mereka? Adakah dosa mereka itu besar atau kecil?
6. Kenapa manusia mendapati sangat susah untuk percaya bahawa mereka boleh diampuni jika mereka telah melakukan kesalahan yang sangat berat ataupun memalukan?
7. Apa janji Tuhan sekiranya anda sendiri menghadapi keraguan adakah anda benar-benar telah diampuni? (1 Yohanes 1:9)

8. Perasan malu dan bersalah adalah satu taktik pembohongan iblis untuk melumpuhkan keyakinan dan iman kita terhadap pengampunan dosa oleh Tuhan. Apa kata Tuhan dalam:

- *Mazmur 103:10-12*
- *1 Yohanes 5:14-15*
- *Yakobus 4:7-8*
- *Roma 8:1*
- *Roma 8:31-39*



Renungan Peribadi

KASIH KARUNIA YANG TIADA BATASAN

Baca Mazmur 103:8-12. Tulis semula ayat ini dengan menggantikan perkataan “kita” kepada “saya”. Anda juga boleh menulisnya dengan menggunakan ayat anda sendiri.

* Sekarang baca sekali lagi petikan itu kepada diri sendiri.

* Buka 1 Yohanes 1:9. Baca ayat itu untuk diri dengan suara yang kuat.

□ □ □ □ □ □ □ □ □
□ **Respon Saya** □
□ □ □ □ □ □ □ □

Tulis sepuuk surat kepada Tuhan dengan membawa semua pergumulan anda sebelum ini. Anda harus ingat bahawa Tuhan menunggu untuk anda datang kepada-Nya. Tuhan mahu menyucikan semua noda dan membuat segala sesuatu menjadi baru bagi anda.

Bapa Syurqawi,

Anak-Mu yang Engkau kasih dan ampuni,

Santapan Minda

“Tuhan Yesus, Engkau adalah kebenaranku, dan aku adalah dosa-Mu. Engkau telah mengambil bagi Diri-Mu apa yang sebenarnya adalah kepunyaanku dan memberikan aku apa yang sebenarnya milik-Mu. Engkau telah menjadi apa yang bukan Engkau supaya aku boleh menjadi apa yang bukan aku.”

~ Martin Luther



Doa

Serahkan diri anda kepada Tuhan. Berdoalah supaya Dia meyakinkan hati anda terhadap kasih dan pengampunan-Nya. Berdoa supaya anda akan bertumbuh mengetahui bahawa Kasih-Nya terhadap anda tidak pernah berubah. Dia akan sentiasa mengampuni dosa anda saat anda berbalik dan bertaubat.

Mengapa Saya Tidak Merasa Hadirat Tuhan?





Ayat Mas Alkitab



"Sebab itu janganlah kamu melepaskan kepercayaanmu, karena besar upah yang menantinya. Sebab kamu memerlukan ketekunan, supaya sesudah kamu melakukankehendak Allah, kamu memperoleh apa yang dijanjikan itu. Sebab sedikit, bahkan sangat sedikit waktu lagi, dan ia yang akan datang, sudah akan ada, tanpa menangguhkan kedatangan-Nya. Tetapi orang-Ku yang benar akan hidup oleh iman, dan apabila ia mengundurkan diri, maka Aku tidak berkenan kepadanya." (Ibrani 10:35-38)



Kata-kata Mutiara

Kita dipanggil untuk hidup dalam iman dan berbuah dalam kehidupan sehari-harian kita dan tidak perlu terlalu memikirkan tentang 'ketidakhadiran' Tuhan secara fizikal dalam kehidupan kita.



Aktiviti Bersama

Allah Maha Hadir

Dalam kumpulan kecil 4-5 orang, bincangkan yang berikut:

- Adakah anda pernah merasakan hadirat Tuhan bersama anda?
- Adakah anda merasakan hadirat-Nya sentiasa bersama anda?
- Adakah kerana merasakan ketidakhadiran Tuhan telah mempengaruhi kehidupan rohani anda?



Renungan Firman Tuhan

1. Baca sepintas lalu Kejadian 12:1 hingga ke pasal 25:11. Bab-bab ini adalah tentang Abraham. Carikan:
 - Jumlah tahun Abraham berjalan bersama TUHAN _____
 - Jumlah pertemuan Abraham dengan TUHAN _____
2. Lihat petikan ayat-ayat Alkitab yang mengandungi doa Paulus di bawah ini dan tuliskan apa yang dikatakan oleh Paulus tentang pertumbuhan Kristian dalam hubungan mereka dengan Tuhan:

1. Efesus 1:15-23	
-------------------	--

2. Efesus 3:14-19	
3. Filipi 1: 9-11	
4. Kolose 1:9-14	

3. Apakah yang menolong kita ‘melihat’ dunia Allah yang tidak boleh dilihat dengan mata kasar? (2 Korintus 5:7, Ibrani 10:35-11:1,6).
4. Apa yang dikatakan oleh Yesus bila kita hidup dekat dengan-Nya? (Yohanes 15:4-6, 16)
5. Apakah yang dimaksudkan dengan menghasilkan buah kehidupan?



Renungan Peribadi

Kepastian akan Hadirat Tuhan

Tulis beberapa pernyataan ‘iman’ yang baru untuk memastikan bahawa anda akan hidup dengan iman seperti yang dikatakan oleh Alkitab tentang Tuhan dan bukan dengan emosi dan perasaan anda. (Contohnya, anda boleh menulis percaya bahawa Tuhan bersama saya walaupun saya tidak merasakan hadirat-Nya... saya tidak perlu melihat untuk percaya.... dan sebagainya).

“Hidup dengan iman bererti...”

* Santapan Minda *

“Garam, bila dilarutkan dalam air mungkin akan hilang, tetapi ia tidak bererti kehadirannya tidak wujud. Kita boleh yakin kehadirannya dengan merasakan air tersebut. Demikian juga dengan Kristus, yang meskipun tidak kelihatan, akan terlihat nyata oleh orang lain dengan kasih yang Dia ajarkan kepada kita”

~ Sadhu Sundar Singh



Doa

Angkatlah setiap pernyataan iman anda di hadapan Tuhan dan berdoa supaya Tuhan menolong anda untuk hidup seperti yang telah anda tuliskan. Berdoalah supaya Tuhan lebih dekat di saat anda hidup menurut apa yang menyenangkan-Nya dan juga supaya Tuhan memberikan pengertian yang dalam di hati anda. Mintalah kuasa kasih-Nya serta hadirat-Nya dalam kehidupan anda.

Mengapa Tuhan Tidak Menjawab Doa Saya?





Ayat Mas Alkitab

“Dan inilah keberanian percaya kita kepada-Nya, yaitu bahwa Ia mengabulkan doa kita, jikalau kita meminta sesuatu kepada-Nya menurutkehendak-Nya. Dan jikalau kita tahu, bahwa Ia mengabulkan apa saja yang kita minta, maka kita juga tahu, bahwa kita telah memperoleh segala sesuatu yang telah kita minta kepada-Nya.”
(1 Yohanes 5:14-15)



Kata-kata Mutiara

Alkitab mengatakan bahawa Tuhan akan menjawab doa kita sekiranya kita taat dan meminta sesuai rancangan-Nya.



Aktiviti Bersama

Ada Sebabnya...

Dalam kumpulan masing-masing, kongsikan yang berikut:

1. Sebutkan nama orang yang paling kerap mengatakan “ya” kepada anda. Apakah sebabnya?
2. Sebutkan nama orang yang paling kerap mengatakan “tidak” kepada anda. Apakah sebabnya?



Renungan Firman Tuhan

A. Adakah Tuhan menjawab setiap doa?

1. Apakah yang anda rasakan dan apakah respon anda apabila anda tidak melihat Tuhan menjawab doa anda?
2. Seandainya anda adalah tuhan, adakah anda akan menjawab semua doa anda? Kenapa dan kenapa pula tidak?

B. Mengetuk Pintu Syurga

3. Adakah doa kita sampai di syurga dan telinga Tuhan? Apakah yang Tuhan perbuat terhadap doa-doa tersebut bila sampai di hadapan-Nya?

4. Adakah Firman Tuhan mempunyai jawapan terhadap soalan-soalan tersebut? Mari lihat di bawah!

Soalan # 1 : Adakah Tuhan Mendengar Setiap Doa Kita?

Ayat Alkitab	Apa Yang Firman Katakan
Wahyu 8:2-5	
Ulangan 4:7	
2 Tawarikh 7:13-16	
Mazmur 145:18-19	

5. Apakah yang boleh anda simpulkan?
6. Berdasarkan kepada ayat-ayat di atas, adakah anda dapat melihat sebarang kaitan tentang Tuhan menjawab doa kita?

Soalan #2 : Adakah Tuhan Menjawab Setiap Doa Kita?

Ayat Alkitab	Apa Yang Firman Katakan
Yakobus 4:1-3	
Mazmur 66:18	
2 Korintus 12:7-9	
1 Yohanes 3:21-23	
1 Yohanes 5:14-15	
Habakuk 1:2; 2:1-3	

7. Apakah yang boleh anda simpulkan?



Renungan Peribadi

Buat satu senarai doa anda yang anda rasakan tidak akan dijawab oleh Tuhan. Tandakan di ruang terakhir yang menurut anda kenapa Tuhan tidak menjawab doa anda: **Dosa, Tujuan, Di luar Rancangan Tuhan**

Senarai Doa:	Kenapa Tuhan Tidak Jawab?
1.	
2.	
3.	
4.	
5.	

Santapan Minda

“Allah tidak melihat pada keelokan dan kerapian doa-doa anda, atau geometri doa-doa anda, untuk melihat berapa panjang dan lama doa anda; tidak juga pada aritmetiknya untuk melihat berapa banyak doa anda; bukan juga pada muzik doa-doa anda, atau betapa manisnya suara anda, atau pada logiknya doa-doa anda. Tetapi Dia melihat ketulusan hati dan doa-doa anda. Tidak ada doa yang diluluskan, diterima, dirakam, atau dikurniakan oleh Tuhan, kecuali bila hati adalah tulus dan sepenuhnya. Allah mengasihi orang yang patah dan sesal hati, dan Dia membenci hati yang terbahagikan. Allah tidak suka yang terhenti atau tergantung.”

~ Thomas Brooks



Doa

Berdoalah agar Tuhan mengajar anda berjalan dengan penuh kerendahan diri dan taat kepada-Nya. Berdoa supaya anda akan bertumbuh dan mengetahui rancangan-Nya terhadap anda agar anda boleh berdoa sesuai dengan rancangan-Nya. Yakinlah bahawa Dia senang untuk menjawab doa sedemikian.

Kita dicipta Menurut Gambar-Nya





Ayat Mas Alkitab

'Kemudian berfirmanlah Allah, "Baiklah Kita menjadikan manusia menurut gambar dan rupa kita, supaya mereka berkuasa atas ikan-ikan di laut dan burung-burung di udara dan atas ternak dan atas seluruh bumi dan atas segala binatang melata yang merayap di bumi.'" (Kejadian 1:26)



Kata-kata Mutiara


Lelaki dan perempuan mempunyai tempat yang istimewa di hati Allah dan tujuan-Nya kerana Dia menciptakan mereka menurut gambar-Nya dan memberi mereka hak kuasa untuk memerintah semua yang diciptakan-Nya.



Aktiviti Bersama

Gambaran diri

Fikirkan bagaimana anda melihat diri anda terutama sekali personaliti dan karakter diri anda. Lukis dan warnakan potret diri anda yang bukan sahaja menggambarkan tubuh fizikal anda, tetapi juga gambaran diri sebenar anda.





Renungan Firman Tuhan

1. Baca Kejadian 1:1-2. Bagaimanakah dunia ini digambarkan pada permulaan kejadian?
2. Apa yang boleh anda katakan tentang manusia menurut Kejadian 1:26-31?
3. Apa yang diciptakan Allah apada hari pertama dan keempat? (Kejadian 1:3-5; 14-19)
4. Apa yang diciptakan Allah pada hari kedua dan kelima? (Kejadian 1:6-8; 20-23)
5. Apa yang diciptakan Allah pada hari ketiga dan keenam? (Kejadian 1:9-13; 24-25)
6. Apa reaksi dan perasaan Allah pada setiap penciptaan-Nya? (Amsal 8:22-23, 30-31)
7. Apa yang istimewa tentang kita (manusia) yang dicipta oleh Allah? (Kejadian 1:26) Apa maksud ayat ini?
8. Baca Mazmur 139:13-16. Apa yang anda dapat katakan tentang ayat-ayat ini?
9. Apakah dua mandat (kuasa) yang diberikan oleh Allah kepada manusia? (Kejadian 1:28)



Renungan Peribadi

Kerana manusia diciptakan menurut gambar Allah, setiap manusia harus dilayan dengan hormat dan mulia tanpa mempedulikan dia siapa.

1. Siapakah yang biasanya tidak dilayani dengan baik oleh masyarakat kita?
2. Sebagai umat Allah, apakah yang boleh anda lakukan untuk hal itu?
3. Secara peribadi, siapakah orang yang anda kurang layan dengan hormat dan baik?
4. Apa yang akan anda lakukan tentang perkara ini?

Santapan Minda

“Allah menciptakan dari ketiadaan. Anda berkata’ Indah sekali’. Ya, itu sangat pasti! Tapi Dia melakukan sesuatu yang jauh lebih indah: Dia menukarkan orang-orang berdosa menjadi orang-orang kudus.”

~ Soren Kierkegaard (1813-1855)
dalam Journalnya [7 Julai 1838]



Doa

Berterima kasihlah pada Tuhan kerana Dia telah menjadikan setiap orang yang hadir di ruang ini sesuai dengan gambar-Nya. Berdoalah supaya Dia memberkati kita semua dengan sebuah keyakinan yang mendalam bahawa kita diciptakan untuk menjadi serupa Dia. Berdoa supaya berkat yang kita telah terima dari-Nya membolehkan kita memberkati orang-orang di sekeliling kita, terutamanya mereka yang tidak dilayan dengan baik oleh orang lain.

Gambaran Yang Rosak





Ayat Mas Alkitab

"Tetapi ular itu berkata kepada perempuan itu: "Sekali-kali kamu tidak akan mati, tetapi Allah mengetahui, bahwa pada waktu kamu memakannya matamu akan terbuka, dan kamu akan menjadi seperti Allah, tahu tentang yang baik dan yang jahat." Perempuan itu melihat, bahwa buah pohon itu baik untuk dimakan dan sedap kelihatannya, lagi pula pohon itu menarik hati karena memberi pengertian. Lalu ia mengambil dari buahnya dan dimakannya dan diberikannya juga kepada suaminya yang bersama-sama dengan dia, dan suaminya pun memakannya." (Kejadian 3:4-6)



Kata-kata Mutjara


Dosa Adam dan Hawa telah menyebabkan gambaran Allah dalam hidup mereka tercemar. Ini telah menyebabkan mereka kehilangan satu perhubungan dan persekutuan bersemuka dengan Allah.



Aktiviti Bersama

Sungguh memalukan!

Tuliskan satu kejadian yang paling memalukan yang pernah terjadi pada diri anda. Apa yang berlaku dan kenapa itu sangat memalukan?



Renungan Firman Tuhan

1. Baca Yohanes 17:3 dan 23b. Apakah dua perkara/kebenaran yang Yesus katakan?

2. Bagaimakah perhubungan manusia dengan Allah sebelum dosa masuk ke dunia? (Kejadian 2:25; 3:8-9)
3. Menurut anda, apa yang menyebabkan Hawa tergoda dengan godaan si Iblis? (Kejadian 3:4-6)
4. Apakah akibat daripada ketidakpatuhan Adam dan Hawa kepada manusia sejagat? (Roma 5:12, 14)
5. Dosa telah merosakkan perhubungan manusia dengan manusia. Kenapa Adam dan Hawa malu dengan keterlanjangan mereka? (Kejadian 3:7)
6. Dosa juga merosakkan perhubungan manusia dengan Allah. Apa yang hilang dari kerusakan perhubungan ini? (Kejadian 3:8-9)



Renungan Peribadi

Renung dan tuliskan bahagian manakah dalam kehidupan anda yang perlu dipulihkan sesuai dengan imej Tuhan?

Santapan Minda

“Ketika Allah menciptakan kita menurut gambar-Nya, Dia menjadikan kita seperti Dia yang berkemampuan untuk mengasihi, berfikir dan merasa. Dia memberikan kita moral yang tinggi, kebaikan, kesabaran, kesetiaan dan banyak lagi. Tetapi apabila dosa memasuki dunia melalui Adam dan Hawa, maka imej Allah dalam diri kita tercemar dan rosak. Kita kehilangan semua sifat-sifat yang diberikan. Kita juga mewarisi semua sifat-sifat negatif seperti mementingkan diri sendiri, dengki, rasa bersalah dan malu, sombang dsbnya. Bagaimanapun, Allah menginginkan kita menjadi seperti-Nya dan muhulihkan imej-Nya dalam kehidupan kita.”

~ Goh Kim Guat



Doa

Berdoalah supaya anda akan berupaya untuk menjadi seperti Dia setiap hari. Berdoa supaya Allah akan teruskan pekerjaan kasih karunia dalam kehidupan anda, dan memulihkan anda kepada imej-Nya dalam kehidupan anda.

Salib: Kasih Dinyatakan





Ayat Mas Alkitab

“Ia sendiri telah memikul dosa kita di dalam tubuh-Nya di kayu salib, supaya kita, yang telah mati terhadap dosa, hidup untuk kebenaran. Oleh bilur-bilur-Nya kamu telah sembah. Sebab dahulu kamu sesat seperti domba, tetapi sekarang kamu telah kembali kepada gembala dan pemelihara jiwamu.”

(1 Petrus 2:24-25)



Kata-kata Mutiara

Allah menunjukkan betapa Dia mengasihi kita dengan mengutus anak-Nya Yesus untuk mati di kayu salib bagi membayar kesalahan dosa dunia ini.



Aktiviti Bersama

Kapal tenggelam

Bayangkan anda adalah seorang kapten sebuah kapal pesiar kecil yang terperangkap di tengah-tengah angin ribut. Kemungkinan besar kapal anda tidak akan bertahan sehingga malam. Kebanyakan penumpang anda sudah memakai jaket keselamatan. Malangnya masih ada lapan orang termasuk anda yang masih tidak memakai jaket keselamatan dan hanya empat helai jaket keselamatan sahaja yang tinggal. Orang itu adalah:

- Jurutera kapal
- Seorang ibu muda
- Anak lelakinya yang berusia empat tahun
- Seorang nenek (ibu kepada pemilik kapal)
- Seorang agen perniagaan yang mengalami kesakitan di bahagian leher yang sejak awal pelayaran lagi sudah banyak mengadu tentang kesakitan yang dia alami.
- Seorang anak muda yang besembunyi di sebalik kabin kerana memasuki kapal tanpa membayar.
- Ayah anda
- Anda sendiri

Siapakah yang anda berikan empat jaket keselamatan tersebut? Berikan alasan anda.



Renungan Firman Tuhan

KASIH MENGAJAKAN SEGALANYA!!

Episod 1: Penghujung jalan?

Apakah akibat dosa manusia? Tuliskan apa yang anda fikirkan.

Sekarang periksa dan ringkaskan ayat –ayat di bawah ini:

1. Kejadian 3:23	
2. Keluaran 33:20	
3. Roma 5:12	

Ini adalah seperti satu penghujung jalan, bukan? Hubungan kita dengan Allah terputus untuk selama-lamanya dan tidak ada jalan atau cara yang dapat membantu diri kita sendiri... Tetapi Allah boleh dan Dia telah melakukannya!

Episod 2: Cara Lama

Bagaimanakah Allah menghadapi dosa pada masa lalu? Lihat firman Tuhan berikut.

1. Apakah yang harus dilakukan oleh umat Israel untuk pengampunan dosa (Imamat 4:27-31)
2. Apakah alasan-alasannya (Ibrani 9:19-22)?
3. Apakah yang dilakukan oleh imam agung untuk umat Israel setahun sekali (Imamat 16:32-34)?

4. Apakah yang mereka lakukan itu berkesan (Ibrani 10:11)?

5. Mengapa tidak (Ibrani 10:1-4)?

Episod 3: Salib - Kasih yang nyata

Apakah penyelesaian Allah terhadap dosa manusia? Baca Ibrani 9:11-15, 27-28.

1. Apakah yang Kristus telah lakukan untuk kita melalui kematian-Nya (9:15, 27-28)?

2. Mengapa Kristus mampu melakukan demikian (9:12-14)?

3. Apakah yang berlaku kepada kita sekarang setelah kita dibebaskan dari dosa?
 - a. Periksa Roma 6:22-23

 - b. Periksa 1 Petrus 2:24-25



Renungan Peribadi

Soalan tentang dosa

1. Apakah yang anda rasakan apabila anda mengetahui anda telah berdosa atau melakukan kesalahan?

Adakah mudah untuk anda keluar dari perasaan itu? Mengapa?

2. Apakah salah satu dosa/kesalahan/kegagalan yang anda miliki sekarang yang selalu mengganggu anda atau yang menyebabkan anda mempunyai perasaan seperti yang anda jelaskan di atas?

Apakah yang menyebabkan perkara ini adalah penting atau lebih merisaukan daripada yang lain?

3. Baca 1 Yohanes 2:1-2. Tulis pendapat anda tentang apa yang dikatakan oleh Yohanes.
4. Baca 1 Yohanes 1:8-9. Dalam ayat ini, apakah yang harus anda lakukan tentang dosa anda?

Santapan Minda

"Kerana kasih anugerah-Nya yang menakjubkan, Allah telah menghapuskan dosa anda dengan memakukannya di kayu salib. Jangan pandang remeh tentang dosa tetapi pada masa yang sama, anda mempunyai jaminan bahawa Allah mengampuni dosa anda kerana Yesus mati di kayu salib untuk anda."

~ Goh Kim Guat



Doa

Bawalah dosa atau kegagalan yang telah anda tuliskan itu ke hadapan Allah dan minta pengampunan dari Dia. Ambil beberapa waktu untuk merenungkannya. Biar Tuhan menyatakan jaminan-Nya dalam hati anda bahawa Dia mengasihi dan mengampuni anda kerana apa yang Yesus telah lakukan di kayu salib untuk anda.

Kemudian ambil masa untuk berterima kasih kepada-Nya atas rahmat-Nya dan pengampunan yang Dia berikan. Bersyukurlah kepada-Nya atas kasih-Nya yang selalu menerima anda kembali walaupun anda tidak selalu mentaati Dia.

Satu Dunia Yang Baru





Ayat Mas Alkitab

“Tetapi hari Tuhan akan tiba seperti pencuri. Pada hari itu langit akan lenyap dengan gemeruh yang dahsyat dan unsur-unsur di dunia akan hangus dalam nyala api, dan bumi, dan segala yang ada di atasnya akan hilang lenyap. Jadi, jika segala sesuatu ini akan hancur secara demikian, betapa suci dan salehnya kamu harus hidup. Iaitu kamu yang menantikan dan mempercepatkan kedatangan hari Allah.”

(2 Petrus 3:10-12a)



Kata-kata Mutiara

Dalam penantian kedatangan Yesus yang kedua kali, kita dipanggil untuk berjaga-jaga, hidup dalam kekudusan dan berdiri teguh dalam iman.



Aktiviti Bersama

Apabila Kristus datang lagi

Anda akan dibahagikan kepada tiga kumpulan. Setiap kumpulan akan mencari dari set ayat-ayat berikut tentang kedatangan Yesus yang kedua kali. Kongsikan hasil perbincangan anda.

1. Yohanes 14:2-3, Matius 16:27, 24:36; Lukas 12:39-40
2. Matius 24:4-14; 2 Timotius 3:1-5
3. Wahyu 20:11-15; 2 Korintus 5:10; Filipi 3:20-21



Renungan Firman Tuhan

1. Apa yang dikatakan oleh Alkitab tentang masa untuk kedatangan Kristus yang kedua kali? (Lukas 12:39-40)
2. Apa yang dikatakan oleh Yesus tentang bila kedatangan-Nya yang kedua kali? (Matius 24:36)

3. Apa tanda-tanda kedatangan Yesus yang kedua kali sudah dekat? (Matius 24:4-11)

4. Apa yang akan terjadi kepada semua manusia bila Yesus kembali? (Wahyu 20:11-15)

5. Apa yang akan Allah lakukan kepada setiap orang di Hari Penghakiman? (2 Korintus 5:10)

6. Apa yang akan berlaku kepada tubuh kita di hari kiamat? (1 Korintus 15:42-44)

7. Baca Wahyu 21:1-4. Apa yang akan terjadi dengan dunia ini?

8. Untuk menanti kedatangan Yesus yang kedua kali, kita diminta untuk apa? (Markus 13:32-37)

9. Apa nasihat Petrus kepada kita dalam menanti kedatangan Yesus? (1 Petrus 1:13-15, 2 Petrus 3;10-14)

10. Apa pula nasihat Yohanes? (1 Yohanes 2:28)




Renungan Peribadi

Berjaga-jagalah!

1. Jika Yesus datang pada saat ini, adakah anda sudah bersedia berhadapan dengan Dia?

Mengapa atau kenapa tidak?

Pada fikiran anda dimanakah kedudukan anda? Tandakan dengan simbol 'X'.



Talian hangat

Bayangkan pada satu hari anda menerima satu panggilan dan apabila kamu menjawab panggilan, rupa-rupanya itu Yesus dalam talian! Selepas Dia bertanyakan khabar, Yesus bertanya beberapa soalan kepada anda. Berikut adalah beberapa soalan Yesus. Tuliskan bagaimana anda menjawab-Nya.



Jadi, bagaimana kehidupan anda?



Kamu tahu bahawa Saya akan kembali satu hari nanti. Tapi kamu sepertinya belum siap dan sedia. Jadi bagaimana kamu mahu mengubah semua ini?



Saya fikir kamu perlu lebih spesifik lagi! Cuba beritahu Saya 3 atau 4 langkah praktikal yang boleh kamu ambil.



Bagaimana kamu dapat menyemak diri kamu kerana tidak selalu kamu mendengar Saya dengan jelas apabila Saya cuba bercakap dengan kamu?

☎ Ingat, jika kamu terus taat kepada-Ku dan berupaya hidup dalam kekudusan, kamu tidak akan malu apabila kamu bertemu dengan Saya! Jadi teruslah setia dan bertahanlah di sana! Bye...!

Santapan Minda

“Bagi orang Kristian, syurga adalah tempat di mana Yesus berada. Kita tidak perlu berspekulasi tentang seperti apakah syurga. Cukuplah untuk kita mengetahui bahawa kita akan bersama dengan-Nya untuk selama-lamanya. Bila kita mencintai seseorang dengan seluruh hati kita, ketika itulah kehidupan kita bermula dengan orang itu; hanya waktu bersama-sama dengan dia lah kita benar-benar hidup.

Ini samalah seperti dengan Kristus. Hubungan kita dengan-Nya di dunia agak samar-samar, kerana kita hanya boleh melihatnya melalui cermin yang agak gelap. Tetapi definisi terbaik untuk syurga adalah tempat di mana kita akan selalu bersama Yesus, dan di mana tidak ada yang akan memisahkan kita dari-Nya lagi. ...”

~ William Barclay (1907-1978),
Komentari Injil Yohanes (Vol. 2)



Doa

Berdoalah supaya anda akan terus berusaha untuk hidup dalam kekudusan sambil menanti kedatangan-Nya. Bersyukurlah kepada Tuhan kerana diberi peluang menjadi murid-murid Yesus. Mohon pada Dia agar Dia membantu anda untuk bertumbuh dalam aspek-aspek kehidupan anda supaya anda menjadi murid Yesus yang setia dan baik.



**Tumbuh dan Berbuah
Dalam Kristus**



* Belia Kristian Penan di Long Lamai, Sarawak

Panduan Pembimbing

Sesi 1: Bilakah Saya Diselamatkan?



Objektif-Objektif Sesi

1. Menyedari bahawa mereka diselamatkan apabila mereka percaya apa yang telah dilakukan oleh Tuhan bagi mereka melalui Yesus Kristus dan menerima Dia dalam kehidupan mereka.
2. Mempelajari bahawa hanya melalui iman dan bukan perasaan mereka untuk menerima keselamatan dalam Yesus.
3. Memahami bahawa mereka hanya perlu untuk menjemput Yesus dalam kehidupan mereka sekali sahaja.
4. Memikirkan kembali pengalaman sendiri sewaktu menjemput Yesus ke dalam kehidupan mereka.



Pencetus Minat

Mulakan sesi ini dengan pertanyaan-pertanyaan berikut (anda mungkin mahu mencatat jawapan-jawapan mereka di dalam buku catatan anda):

1. Adakah anda lahir dalam keluarga Kristian? Jika “ya”, generasi Kristian yang ke berapakah anda? (Terangkan kepada mereka, jika orang tua mereka adalah yang pertama menjadi Kristian, maka mereka adalah generasi kedua. Jika nenek atau datuk mereka adalah yang pertama menjadi Kristian, dan ibu bapa mereka menjadi Kristian kerana itu, maka mereka adalah generasi ketiga, dsbnya).
2. Adakah anda masih ingat saat menerima Yesus ke dalam kehidupan anda? Bagaimanakah pengalaman anda ketika berbuat demikian?
3. Adakah anda berpendapat bahawa anda telah diselamatkan pada saat itu? Berikan sebab anda.
4. Sekiranya anda membesar dalam sebuah keluarga Kristian, bilakah anda berpendapat bahawa anda telah diselamatkan? Berikan alasan anda.



Aktiviti Bersama

Mengenang Kenangan. (15-20 minit)

Aktiviti ini bertujuan bagi para peserta untuk mengenangkan kejadian-kejadian tertentu yang penting bagi mereka.

1. Bahagikan para peserta kepada beberapa kumpulan. Seramai 4 atau 5 orang di dalam satu kumpulan.
2. Terangkan bahawa anda mahu mereka mengingati dua pengalaman yang mereka ingat: yang terbaik dan terburuk yang pernah terjadi kepada mereka.
3. Aturkan mereka untuk mengongsikannya kepada rakan sekumpulan.
4. Dapatkan setiap kumpulan untuk memilih satu pengalaman yang paling mereka ingat bagi setiap kumpulan.



Renungan Firman Tuhan

(beri mereka beberapa minit untuk membuat Renungan Firman Tuhan)

A. Pengenalan

1. Adakah mudah bagi anda untuk mengingat kembali perkara yang paling baik dan paling buruk dalam kehidupan kamu? (Biarkan mereka memberi respon).
2. Mengingat perkara sebegitu tidaklah begitu sukar bagi mereka yang mempunyai ingatan yang tajam.
3. Sesetengah daripada kita sangat tersentuh dengan perkara yang terjadi kepada kita. Jadi tidak sukar untuk kita mengingati perkara seperti itu.
4. Walaupun demikian, terdapat juga sesetengah daripada kita yang tidak begitu jelas ingatannya berbanding yang lain. Kita tidak menghiraukan sangat tentang perkara yang telah terjadi.
5. Secara umumnya, adalah baik untuk kita mengingat perkara yang penting dalam hidup kita kerana perkara-perkara itulah yang mengubah hidup kita dan sedikit sebanyak membentuk siapa kita pada hari ini.
6. Salah satu peristiwa penting bagi orang Kristian ialah saat kita menjadi Kristian. Ini adalah peristiwa yang mengubah hidup kita kerana Alkitab berkata bahawa waktu itu kita dilahirkan semula ke dalam Kerajaan Allah dan menjadi anak-Nya.
7. Satu soalan yang selalu mengganggu belia-belia Kristian ialah apabila mereka diselamatkan dan menjadi sebahagian daripada Kerajaan Allah. Ini penting khususnya bagi mereka yang dilahirkan dalam keluarga Kristian dan menganggap mereka Kristian sejak mereka dilahirkan.
8. Seringkali orang berdoa untuk Yesus masuk ke dalam kehidupan mereka berulang-kali. Khususnya semasa menghadiri kebaktian kebangunan rohani serta apabila rasa disentuh oleh mesej yang

disampaikan.

9. Berapa kalikah anda perlu menjemput Yesus masuk ke dalam hati sebelum anda diselamatkan? Adakah anda diselamatkan secara automatik hanya kerana anda dilahirkan dalam keluarga Kristian? Inilah persoalan yang kita akan bincangkan untuk sesi kali ini.

B. Bilakah saya diselamatkan?

1. Kekalkan mereka dalam kumpulan yang sama. Kemudian kongsikan senario berikut:

Shiela dan Anthony mempunyai percanggahan pendapat tentang bagaimana mereka tahu yang mereka sudah diselamatkan. Anthony mengatakan bahawa seseorang hanya perlu percaya kepada Yesus dan dosanya akan diampuni. Walau bagaimanapun, bagi Shiela, dia tidak bersetuju kerana dia berpendapat bahawa keselamatan itu tidak dapat dipastikan sepenuhnya oleh seseorang kecuali mereka boleh merasa hadirat Tuhan di dalam kehidupan mereka.

2. Arahkan mereka untuk berbincang dalam kumpulan samada mereka bersetuju dengan pendapat Anthony atau Shiela dan pastikan mereka menyokong pendapat mereka dengan firman Tuhan.
3. Kemudian, pilih seorang dalam setiap kumpulan untuk berkongsi.

Kemudian ringkaskan seperti berikut, merujuk kepada perkara yang berkaitan dengan:

Fakta

- a. Fakta #1- Alkitab mengatakan bahawa Tuhan telah menghantar anak-Nya Yesus Kristus untuk mati bagi dosa kita supaya kita mendapat hidup yang kekal melalui Dia. (1 Yohanes 4:10, Yohanes 3:16)
- b. Persoalannya ialah bagimanakah kita boleh mendapatkan pengampunan serta karunia hidup kekal tersebut?
- c. Fakta #2- Yohanes berkata bahawa siapa sahaja yang percaya kepada Yesus tidak akan mati dalam dosanya tetapi akan menerima hidup yang kekal. (Yohanes 3:16)
- d. Fakta #3- kehidupan kekal yang Tuhan berikan kepada kita hanya boleh ditemukan dalam Yesus. Oleh sebab itu, menurut Yohanes, hanya mereka yang mempunyai Yesus iaitu sesiapa yang telah menjemput Yesus ke dalam kehidupan mereka, akan menerima hidup yang kekal. (1 Yohanes 5:11-12, Wahyu 3:20)
- e. Apabila kita sudah menerima Yesus, kita akan menerima hidup

- yang kekal dan juga diberikan hak untuk menjadi anak Tuhan. (Yohanes 1:12-13)
- f. Alkitab sangat jelas bahawa kita perlu melakukan 2 perkara untuk diselamatkan: percaya kepada Yesus serta menerimanya sebagai Tuhan dan Juruselamat.
 - g. Pengertian Alkitab mengenai ‘percaya’ ialah bukan sekadar mengetahui dalam fikiran kita tentang semua yang telah Yesus lakukan. Iblis juga percaya bahawa Tuhan telah mengutus Yesus. (rujuk kepada Markus 3:11)
 - h. Kepercayaan itu harus menyentuh hati kita supaya kita rela untuk menyerahkan kehidupan kita kepada Yesus. Kepercayaan itu harus disusuli dengan langkah seterusnya iaitu meminta Yesus untuk menjadi Tuhan dan Juruselamat kita.
 - i. Oleh itu, membesar dalam keluarga Kristian tidak bermaksud anda menjadi seorang Kristian secara automatik. Secara peribadi, anda harus percaya terhadap semua yang telah dilakukan oleh Yesus dan anda harus membuat keputusan untuk berserah kepada Yesus. Pada waktu itulah dosa anda diampuni dan anda masuk kerajaan Tuhan serta menjadi anak-Nya.

Iman

- a. Paulus berkata bahawa segala sesuatu yang Tuhan lakukan kepada kita adalah kerana anugerah-Nya. Dia telah memulihkan hubungan kita terhadap-Nya dan menjadikan kita sebagai anak-anak-Nya. (Galatia 3:26). Kita harus menerima karunia ini dengan iman (Efesus 2:8-9).
- b. Kita mungkin tidak dapat melihat apa yang telah dijanjikan kepada kita, tetapi kita harus menerimanya dan percaya bahawa kita telah menerimanya. Itulah yang dikatakan dalam Alkitab sebagai iman (Ibrani 11:1-2).
- c. Tuhan mahukan iman dari kita. Iman adalah cara yang terbaik untuk menunjukkan kasih dan syukur atas semua yang telah dilakukan-Nya untuk kita.
- d. Oleh kerana iman juga kita diselamatkan melalui apa yang telah dilakukan oleh Yesus untuk kita.
- e. Tuhan mengetahui isi hati anda. Dia mengetahui detik kita benar-benar menyerahkan kehendak kita kepada-Nya dan menerima dengan iman apa yang telah diberikan oleh-Nya melalui Yesus. Waktu itulah anda diselamatkan; apabila anda memerima pengampunan dosa dan semua berkat-berkat rohani yang menyusul, terutamanya karunia hidup kekal dan karunia untuk menjadi anak-Nya.
- f. Kepada anda yang membesar dalam keluarga Kristian mungkin

tidak begitu jelas akan waktu apabila anda mengambil langkah itu — tetapi bukan itu yang penting di mata Tuhan. Apa yang penting ialah anda telah mengambil langkah tersebut.

Perasaan

- a. Apakah jenis perasaan yang memainkan peranan untuk membantu kita dalam menenapasti yang kita diselamatkan? Adakah sesuatu yang berlaku secara emosi menunjukkan bahawa kita telah disucikan dari dosa kita? (*Biarkan mereka memberi respon*).
- b. Bagi sesetengah orang, perbuatan menerima Yesus dalam kehidupan mereka dan menerima pengampunan selalu disertai dengan perasaan sukaita. Ada pula yang menangis terharu apabila mengetahui kasih Yesus sangat dalam terhadap mereka. (*Rujuk mereka kepada perbincangan sebelumnya*).
- c. Pengalaman yang lain pula ialah mengalami kepenuhan Roh Kudus dalam hidup mereka.
- d. Sekiranya anda tergolong dalam salah satu kumpulan tersebut, bersyukurlah kepada Tuhan kerana membenarkan anda mengalami kasih-Nya dan ambilah ia sebagai satu peringatan anda memasuki kerajaan Surga sebagai anak-Nya.
- e. Walau bagaimanapun, terdapat juga kelahiran semula tanpa ada apa-apa yang terjadi. Anda sudah berdoa dan meminta Yesus untuk masuk ke dalam kehidupan anda tetapi tidak ada apa-apa yang terjadi. Adakah itu bererti yang anda belum diampuni ataupun anda masih bukan anak Tuhan? (*Biarkan mereka memberi respon*).
- f. Di sinilah iman kepada Tuhan itu mula kelihatan. Tuhan tidak berjanji untuk memberikan pengalaman secara emosi apabila kita menerima-Nya. Dia berjanji untuk menghapuskan dosa kita dan mengambil kita sebagai anak-Nya. Semua ini berlaku di alam rohani dan kita tidak boleh melihatnya.
- g. Mungkin tidak ada perubahan secara luaran tetapi kita berpegang kepada janji Tuhan bahawa kita sudah diampuni dan menjadi anak-Nya.
- h. Kita tidak boleh membiarkan emosi kita mengelirukan keadaan rohani kita. Kita tidak perlu menjemput Yesus masuk ke dalam hidup kita berulang kali walaupun kita tidak merasa hadirat-Nya dalam kehidupan kita.
- i. Kita hanya perlu melakukannya sekali untuk dilahirkan kembali sebagai anak Tuhan dan dosa kita dihapuskan. Berapa kalikah ibu anda perlu melahirkan anda supaya anda hidup di dunia? (*Biarkan mereka memberi respon*).

- j. Oleh itu, sekiranya anda sudah menjemput Yesus di dalam kehidupan anda kerana anda percaya akan segala yang telah diperbuat-Nya, maka terima itu dalam iman dan percaya bahawa semuanya sudah dilakukan. Anda sudah disucikan, anda anak Tuhan. Anda sudah diberikan kehidupan kekal dan roh-Nya hidup di dalam anda untuk mengukuhkan semua yang terjadi itu.
- k. Tidak ada seorang pun yang dapat mengambilnya daripada kamu kecuali kamu sendiri yang menyangkal Tuhan dalam hidup kamu.



Doa

Beritahu mereka untuk membawa persoalan mereka secara peribadi kepada Tuhan:

- Jelaskan kepada mereka yang mempunyai keraguan untuk menyerahkannya kepada Tuhan dan minta Tuhan untuk menolong mereka menerima dengan iman bahawa Dia sudah mengampuni mereka, menjadi anak-Nya dan mendapat kehidupan kekal. Kemudian beritahu mereka untuk mengucap syukur dan memuji Tuhan untuk kasih karunia-Nya terhadap mereka.
- Beritahu kepada mereka yang sentiasa pasti akan keselamatan mereka supaya mengambil kesempatan ini untuk mengucap syukur dan memuji Dia atas karunia pengampunan yang telah Dia curahkan serta semua berkat rohani yang telah diterima.
- Galakkan sesiapa yang belum menerima Yesus untuk mempertimbangkan karunia yang akan diberikan secara percuma. Sekiranya mereka sudah bersedia, minta mereka berdoa dan meminta Yesus untuk mengampuni dosa mereka dan menerima-Nya dengan iman. Beritahu mereka untuk berjumpa anda selepas sesi supaya anda boleh berbicara kepada mereka secara lebih terperinci.

Tutup sesi tersebut dengan berdoa kepada Tuhan supaya para peserta mempunyai kepastian yang kukuh dalam hati mereka bahawa mereka adalah milik Tuhan. Berdoa supaya Tuhan menolong mereka untuk berjalan dalam firman serta janji-Nya dan tidak bergantung semata-mata kepada perasaan mereka.

Sesi 2 : Saya Terlalu Jahat Untuk Diampunkan



Objektif-Objektif Sesi

1. Mamahami bahawa tiada dosa yang amat dahsyat untuk Tuhan ampuni jika dosa tersebut diakui di hadapan-Nya.
2. Mengkaji bahawa hanya satu pengecualian bagi pengampunan dosa iaitu dosa menghujat Roh Kudus.
3. Memahami mengapa sesetengah orang sukar untuk mempercayai bahawa mereka boleh diampuni.
4. Melihat kehidupan mereka jika mereka pernah mengalami kepayahan untuk membawa dosa mereka di hadapan Tuhan.



Pencetus Minat

1. Biarkan mereka mempertimbangkan soalan berikut:

Pada pendapat anda, adakah Tuhan akan mengampuni semua dosa yang kita telah lakukan?

2. Beritahu mereka yang mempunyai idea/pendapat yang sama untuk membentuk satu kumpulan. Biarkan mereka berbincang untuk memberikan penjelasan tentang idea mereka.
3. Minta seorang daripada setiap kumpulan untuk membentangkan pendapat mereka.
4. Biarkan kumpulan lain membahaskan tentang perkara yang mereka tidak persetujui.
5. Kemudian berikan soalan ini kepada kumpulan yang mengatakan bahawa Tuhan tidak mengampuni semua dosa:

Sekiranya anda tidak berpendapat sedemikian, apakah dosa yang tidak diampuni oleh Tuhan? Berikan sebab anda.

6. Biarkan mereka membincangkan soalan itu dan mengongsikannya.



Aktiviti Bersama

Tujuan aktiviti ini adalah untuk menentukan apa yang para peserta tahu tentang perkara paling keji yang manusia boleh lakukan.

1. Bahagikan para peserta di dalam beberapa kumpulan. Sebaiknya 4 atau 5 dalam kumpulan.
2. Suruh mereka untuk membincangkan perkara berikut:

Pada pendapat anda, apakah perkara paling keji yang boleh

- dilakukan oleh manusia? (Suruh mereka senaraikan 10 teratas). Sekirannya anda ada peluang, apakah yang anda lakukan kepada orang-orang yang melakukan hal sedemikian?
3. Lantik seorang dari setiap kumpulan untuk membentangkan hasil kerja mereka.
 4. Minta mereka untuk memberitahu sebab kenapa mereka memberi reaksi sedemikian.



Renungan Firman Tuhan

(beri mereka beberapa minit untuk membuat Renungan Firman Tuhan)

A. Pengenalan

1. Ianya sangat menarik untuk melihat reaksi anda terhadap perkara keji yang boleh dilakukan oleh manusia kepada diri mereka sendiri dan orang lain. (*Rujuk mereka kepada beberapa isu yang telah mereka bentangkan sebentar tadi*).
2. Kebanyakan daripada kita merasa marah dan jijik terhadap orang yang melakukan kerja yang tidak berperikemanusiaan.
3. Perasaan waras kita akan berfikir bahawa orang-orang seperti mereka harus dihukum setimpal dengan perbuatan mereka.
4. Adakah senang untuk melepaskan orang seperti itu tanpa dihukum? (*Rujuk kepada pendapat mereka semasa sesi pengenalan*).
5. Bagaimanakah sekiranya perbuatan tidak baik itu dilakukan ke atas kamu ataupun orang yang kamu sayangi? (*Biarkan mereka memberi respon*).
6. Sekiranya orang-orang ini bertaubat daripada perlakuan mereka, adakah Tuhan akan mengampuni mereka? (*Biarkan mereka memberi respon*).
7. Bolehkah kita berdosa dengan teruk sekali sehingga tidak boleh diampuni? Inilah yang kita akan bincangkan untuk sesi hari ini.

B. Dosa yang Diampuni (1 Yohanes 1:8-2:2)

1. Yohanes berkata bahawa semua orang telah berdosa. Kita tidak boleh mengatakan bahawa kita tidak ada dosa kerana itu akan menjadikan Tuhan seorang penipu. (1:8)
2. Kita tahu bahawa dosa kita telah dihapuskan semuanya oleh kerana pengorbanan Yesus yang sempurna. Contohnya, keadaan dosa kita sudah berubah.
3. Bagaimana pula dengan dosa yang kita masih lakukan setiap hari? Bagaimanakah dosa-dosa itu diampuni? (*Biarkan mereka memberi*

respon).

4. Yohanes mengatakan bahawa Tuhan itu setia dan adil. Dia akan mengampuni dosa kita dan menyucikan kita daripada semua ketidak-kudusan sekiranya kita mengaku dosa kita. (1:9)
5. Oleh kerana pengorban-Nya yang sempurna untuk dosa kita, Yesus sekarang berdiri di hadapan Bapa untuk mewakili kita apabila kita terus berdosa (2:1). Salah satu versi alkitab menggunakan perkataan “advocate”. Ia adalah satu istilah dengan erti yang kuat. Ia merujuk kepada mereka yang membela. Contohnya, seorang peguam yang menjadi pembela bagi orang yang tertuduh melakukan jenayah. Yesus adalah seperti peguam ini, menolong kita dengan mempertahankan kita di hadapan takhta Tuhan.
6. Oleh itu, setiap kali kita berdosa terhadap Tuhan, dan bertaubat, Yesus sebagai pembela kita akan mempertahankan kita di hadapan Bapa di Syurga.

C. Pengecualian (Matius 12: 22-32)

1. Hanya satu kejadian di dalam Alkitab yang menyatakan tentang satu dosa yang tidak akan diampuni oleh Tuhan.
2. (*Minta seseorang untuk membaca Matius 22:31-32*). Tanya pandangan mereka tentang konteks pernyataan Yesus ini.
3. Apakah tuduhan orang Farisi terhadap Yesus? (*Biarkan mereka memberi respon*).
4. Orang-orang Farisi tersebut menuduh Yesus mengusir iblis dengan pertolongan iblis yang lain dari tubuh seseorang yang telah dirasuk. (ayat 22-24)
5. Mereka sedar bahawa kuasa roh terlibat semasa roh jahat itu diusir. Oleh kerana mereka tidak percaya bahawa Yesus datang dari Tuhan, mereka menyimpulkan bahawa Yesus berkerjasama dengan iblis.
6. (*Minta mereka untuk mencari kaitan antara tuduhan orang Farisi dan hal penghujatan yang diperkatakan oleh Yesus*).
7. Yesus berkata bahawa hanya ada satu dosa yang tidak boleh diampuni iaitu dosa menghujat Roh Kudus. Apa yang cuba dikatakan oleh Yesus disini ialah apabila apa yang dari Roh Kudus disamakan dengan iblis.
8. Secara dasarnya, mereka menolak pekerjaan Tuhan tentang karunia dan memberikannya/ menyifatkannya kepada iblis.
9. Yesus mengatakan bahawa dosa inilah yang tidak boleh diampuni-mengatakan pekerjaan Roh Kudus sebagai perbuatan iblis. (ayat 32)
10. Apa sahaja perkataan mereka yang jahat terhadap Yesus boleh diampuni kerana mereka hanya boleh melihat Yesus sebagai

- seorang manusia dan mereka tidak memahami keilahian Yesus.
11. Walaubagaimana pun, perbuatan mengatakan pekerjaan Tuhan sebagai pekerjaan iblis atau dari iblis tidak boleh diampuni. Ia tidak boleh diampuni kerana seseorang yang bersikap seperti itu tidak mencari pengampunan.
 12. Orang yang berpendapat sebegitu berkemungkinan telah mengeraskan hati mereka terhadap Tuhan. (ayat 30). Mereka juga mungkin akan menolak Tuhan sepenuhnya pada satu waktu dalam kehidupan mereka.
 13. Oleh itu, kecuali kalau kita telah mengeraskan hati terhadap Tuhan dan mengatakan perbuatan-Nya dari iblis, Firman menyatakan bahawa dosa kita akan diampuni. Dengan satu syarat, kita bertaubat dan mengaku dosa kita.
 14. Dengan itu, semua dosa anda, tidak kira sejahat mana pun, akan diampuni. Itu adalah janji Tuhan kepada kita semua.

D. Mereka Yang Diampuni

1. (*Beritahu mereka untuk merujuk kepada contoh orang-orang yang berdosa dalam Perjanjian Baru*).
2. (*Minta mereka untuk mengenalpasti dosa-dosa yang telah dilakukan. Tanya mereka sekiranya mereka mendapati sebarang peristiwa di mana dosa orang-orang itu tidak diampuni oleh Yesus*).
3. Dalam setiap peristiwa, samada ianya pelacuran, penipuan (Zakius) ataupun perzinahan (wanita Samaria), Yesus mengampuni dosa mereka. Bahkan Petrus, yang pada satu kejadian malu untuk mengaku Yesus juga diampuni.
4. Pada peristiwa tertentu, Yesus memberi amaran untuk tidak berdosa lagi.
5. Jadi ia bergantung kepada kita. Tuhan lebih mengasihi kita daripada kita mengasihi diri kita sendiri. Dia akan mengampuni sekiranya kita benar-benar menyesal akan perbuatan kita.

E. Mengampuni Diri Sendiri

- i. Biarkan mereka berada dalam kumpulan yang sama.
- ii. Suruh mereka memberikan pendapat mereka tentang mengapa manusia mendapati ianya susah untuk percaya bahawa mereka boleh diampuni jika mereka telah melakukan kesalahan yang sangat berat ataupun memalukan.
- iii. Minta mereka menyenaraikan perbuatan-perbuatan yang tidak boleh diampuni menurut manusia.
- iv. Kemudian minta seorang dari setiap kumpulan untuk mengongsikan pendapat kumpulan mereka.

Ringkaskannya seperti berikut, merujuk kepada isu yang telah mereka

bangkitkan yang berkitan dengan:

1. Perasaan malu dan bersalah kita

- (a) Kita selalu berasa bersalah apabila kita telah melakukan sesuatu yang sangat teruk menurut kita. (*Rujuk kepada senarai mereka sebentar tadi*).
- (b) Sesetengah merasa sangat bersalah, yang lain berasa sangat malu. Tetapi hasilnya tetap sama- kita tertanya-tanya samada perbuatan kita boleh diampuni walaupun kita tidak sengaja melakukannya.
- (c) Sesetengah kita merasakan ianya sangat susah bagi kita untuk membawa dosa kita kepada Tuhan kerana kita malu. Di dalam kita ada sesuatu mengatakan bahawa kita sudah melakukan kesalahan dan tidak layak lagi.
- (d) Ada orang yang merasakan mereka sangat jahat. Mereka benar-benar tidak boleh percaya bahawa Tuhan peduli apa- tah lagi mengampuni mereka.
- (e) Yang lain mempunyai kekuatan untuk membawa dosa mereka di hadapan Tuhan tetapi masih mempunyai keraguan samada dosa mereka sudah diampuni atau belum.
- (f) Semua perasaan seperti ini timbul kerana tuduhan-tuduhan dan sikap tidak mengampuni oleh masyarakat di sekeliling kita.
- (g) Bagaimanakah anda berhadapan dengan perasaan malu dan bersalah yang teramat sangat seperti itu? (*Biarkan mereka memberi respon*).
- (h) Ianya bukan mudah tetapi anda harus bergantung kepada janji Tuhan bahawa Dia akan mengampuni sekiranya anda bertaubat dan mengaku dosa anda. Tidak ada perkara yang tidak boleh diampuni oleh Tuhan kecuali anda sendiri yang menolak-Nya. Tuhan akan mengampuni anda walaupun orang lain tidak dapat berbuat demikian.
- (i) Anda harus datang kepada Tuhan dan mengaku semua yang anda telah perbuat dan minta pengampunan-Nya. Sekiranya anda masih dihantui dengan rasa malu dan bersalah, anda harus membawa perkara tersebut di hadapan Tuhan dan minta pertolongan dengan Tuhan untuk berhadapan dengannya.
- (j) Kemudian anda harus bangkit dan terus maju dalam hidup, percaya bahawa Tuhan sudah memberikan anda peluang yang lain.
- (k) Keragu-raguan anda mungkin akan menghantui anda semula. Sekiranya ia berlaku, anda harus berpegang kepada janji Tuhan di 1 Yohanes 1:9 (*rujuk mereka kepada ayat tersebut*)

dan ingatkan diri sendiri berulang-ulang bahawa anda sudah diampuni.

- (l) Anda harus belajar bagaimana untuk mengampuni diri anda sendiri dan melepaskan beban perasaan malu dan bersalah kepada Tuhan. Ingat bahawa Tuhan sudah mengampuni dan membersihkan anda dari dosa masa lalu. Anda harus bersikap terbuka untuk menerima ketenangan dari Tuhan.
- (m) Tuhan itu setia-asalkan anda rindu untuk melakukan apa yang baik di mata-Nya, Dia akan sentiasa ada untuk menolong anda.

2. Pembohongan iblis

- (a) Selalunya, perasaan malu dan bersalah serta fikiran suka menghukum diri sendiri di sebabkan oleh fikiran negatif kita.
- (b) Semua ini adalah pembohongan yang iblis masukkan dalam fikiran kita dan menyebabkan kita sentiasa teringat akan rasa malu dan bersalah.
- (c) Kita berfikir bahawa kita telah berdosa dengan teruk sekali sehingga tidak layak untuk diampuni; ataupun kita beranggapan bahawa kita terlalu jahat untuk diampuni; ataupun kita juga mungkin akan berfikir untuk meninggalkan iman kita memandang kita tidak henti-henti berdosa terhadap Tuhan.
- (d) Semua ini dan banyak lagi fikiran yang menuduh diri sendiri selalu memenuhi minda mereka yang mempunyai keraguan, samada Tuhan akan mengampuni dosa mereka. Walaupun perasaan ini biasanya datang dari mereka sendiri, tetapi selalunya iblis yang membuat mereka berfikir seperti itu.
- (e) Bagaimanakah anda menangani fikiran seperti itu? (*Biarkan mereka memberi respon*).
- (f) Sekali lagi, anda harus berbalik kepada janji Tuhan dalam yang tercatat dalam Alkitab. Anda harus selalu memberitahu diri anda sendiri bahawa Tuhan itu setia dan Dia akan berpegang kepada janji-Nya untuk menyucikan dan mengampuni.
- (g) Berusahalah untuk tidak melayan atau membiarkan fikiran seperti itu dalam minda anda. Apabila ia datang, minta Tuhan untuk menjauahkan fikiran itu dari anda. Fokuskan diri anda kepada beberapa janji Tuhan yang terdapat dalam Alkitab. Contohnya, anda boleh membaca 1 Yohanes 1:9 kepada diri anda sendiri. (*Anda boleh memberikan ayat yang lain untuk rujukan mereka, seperti Mazmur 103:10-12; 1 Yohanes 5:14-15; Yakobus 4:7-8; Roma 8:1; Roma 8:31-39 dan banyak lagi*).
- (h) Belajar untuk berdiri di atas Firman Tuhan dan pengaruh iblis yang selalu membuat anda jatuh akan kekurangan.



Renungan Peribadi

1. Beritahu mereka untuk mengambil masa memikirkan isu-isu berikut:
 - Samada mereka sudah mengaku semua dosa mereka kepada Tuhan.
 - Samada mereka telah melakukan sesuatu dan mereka tidak berani untuk membawanya dihadapan Tuhan kerana takut tidak akan diampuni-Nya.
 - Sama ada mereka ada sesuatu yang mereka fikir sangat teruk dalam kehidupan mereka tetapi tidak tahu apa yang harus dibuat.
2. Yakinkan mereka sekali lagi bahawa Tuhan ialah Tuhan yang sangat mengasihi mereka dan hanya mahu memberikan kesembuhan dan kesempurnaan dalam kehidupan mereka. Beritahu bahawa Tuhan tidak pernah meninggalkan orang yang berbalik kepada-Nya.
3. Suruh mereka mengisi *Kasih Karunia yang Tiada Batasan*.
4. Apabila telah selesai, beritahu mereka untuk membawa surat yang ditulis sebentar tadi kepada Tuhan dalam doa.



Doa

Serahkan para peserta kepada Tuhan, berdoa supaya Dia meyakinkan hati mereka terhadap kasih dan pengampunan-Nya. Berdoa supaya mereka akan bertumbuh mengetahui bahawa Kasih-Nya terhadap mereka tidak pernah berubah dan Dia akan sentiasa mengampuni dosa mereka saat mereka berbalik dan bertaubat.

Sesi 3 : Mengapa Saya Tidak Merasa Hadirat Tuhan?



Objektif-Objektif Sesi

1. Menyedari bahawa mereka tidak boleh bergantung kepada bukti fizikal sahaja kerana Tuhan adalah Roh.
2. Menyedari bahawa Alkitab memanggil mereka untuk hidup bukan dengan penglihatan tetapi iman tentang siapa Tuhan yang sebenar dan apa yang telah dilakukan-Nya.
3. Memahami bahawa mereka dipanggil untuk lebih mementingkan hidup yang menghasilkan buah untuk Tuhan dan bukannya terlalu risau akan ‘ketidakhadiran’ Tuhan dalam hidup mereka.
4. Menulis perkataan-perkataan ‘iman’ untuk membuktikan bahawa Tuhan berserta mereka walaupun mereka berasa sebaliknya.



Pencetus Minat

Satu kejutan (beg kertas dan ‘cenderamata’ beraneka diperlukan)

1. Tujuan aktiviti ini adalah untuk melihat ‘cenderamata’ apakah yang akan dipilih oleh para peserta berdasarkan penerangan yang diberikan.
2. Bahagikan para peserta kepada beberapa kumpulan. Seramai tiga atau empat dalam satu kumpulan.
3. Sebelum sesi bermula, sediakan beg kertas yang diisi dengan aneka ‘cenderamata’ yang boleh dimakan seperti; pisang, biskut, bawang, lobak dan sebagainya. Anda perlu menyediakan sekurang-kurangnya 5-8 benda untuk satu kumpulan, bergantung kepada berapa yang anda tetapkan untuk setiap kumpulan.
4. Beritahu mereka bahawa ada kejutan untuk mereka di akhir aktiviti ini. Apa yang harus mereka lakukan adalah menentukan benda apakah yang mereka mahukan dari beg ‘cenderamata’ anda. Terangkan kepada mereka bahawa walaupun semua benda itu boleh dimakan, tidak semestinya semua benda tersebut ialah ‘cenderamata’. Walau bagaimanapun, apapun yang mereka pilih harus dimakan pada akhir aktiviti ini.
5. Terangkan aktiviti ini seperti berikut:
 - a. Terangkan satu benda dalam satu masa.
 - b. Mereka tidak dibenarkan melihat benda tersebut. Anda tidak boleh menyebut nama benda tersebut atau rasa mahupun baunya, atau pun menyamakkannya dengan makanan yang lain. Contoh perkataan yang anda boleh

gunakan:

lembut	keras	menyenangkan	menyeronokkan
ringan	menggoda	menarik	berharga
lucu	sedap	menggembirakan	seronok

- c. Tujuannya ialah supaya tahap ‘penjualan’ berjalan dengan lancar dan juga supaya mereka lebih bersemangat untuk memilih makanan tersebut.
- d. Selepas setiap ‘penjualan’, setiap kumpulan harus menentukan samada mereka mahu benda tersebut atau tidak. Terangkan bahawa setiap kumpulan harus memilih benda tersebut sebanyak yang anda tentukan bagi kumpulan itu.
- e. Sekiranya lebih dari satu kumpulan yang memilih benda yang sama, mereka harus menghantar satu wakil untuk bermain permainan *Batu, Gunting dan Kertas* untuk menentukan pemenangnya.
- f. Ingatkan mereka bahawa mereka harus memakan benda-benda yang telah mereka pilih di akhir aktiviti ini.



Renungan Firman Tuhan

A. Pengenalan

- 1. Adakah benda yang anda pilih sama seperti yang anda sangkakan berdasarkan penerangan yang diberikan? (Biarkan mereka memberi respon).
- 2. Bukanlah senang untuk menjangkakan sesuatu yang tidak boleh dilihat oleh mata kasar ataupun boleh dirasakan oleh deria kita yang lain, benarkan? (Biarkan mereka memberi respon).
- 3. Dalam aktiviti ini, anda harus memilih berdasarkan apa yang telah diterangkan kepada anda. Tetapi ia tidak selalunya boleh dipercayai!
- 4. Kerana kita adalah makhluk fizikal yang hidup dalam dunia fizikal, kita harus menggunakan deria fizikal seperti penglihatan, pendengaran, sentuhan dan menghidu untuk menolong kita hidup di dunia kita ini.
- 5. Bagaimana dengan dunia roh yang tidak dapat kita lihat? Bagaimana ia boleh menjadi masuk akal kepada kita? (Biarkan mereka memberi respon).
- 6. Kita tahu yang Tuhan itu adalah roh. Bolehkah perihal Roh Kudus atau Tuhan dikesan oleh deria fizikal kita? (Biarkan mereka memberi respon).
- 7. Seringkali kita mendengar runutan orang-orang Kristian bahawa mereka tidak merasa hadirat Tuhan ataupun merasa Tuhan dekat

dengan mereka. Merasakan hadirat Tuhan- adakah ia sepatutnya menjadi pengalaman biasa orang Kristian? Adakah Tuhan tidak bersama kita ataupun adakah Dia kurang mengasihi kita kalau kita tidak merasa kehadiran-Nya?

8. Inilah yang kita akan bincangkan pada sesi hari ini.

- i. Tulis Firman Tuhan yang berikut di papan tulis:

Kejadian 12:1-25;11

- ii. Terangkan bahawa seluruh bab tersebut merangkumi kehidupan Abraham. Minta mereka untuk membaca sepantas lalu bahagian Firman Tuhan seperti yang tertulis di papan tulis dan cari perkara berikut:
 - Jumlah tahun Abraham berjalan bersama Tuhan
 - Jumlah pertemuan Abraham dengan Tuhan

- iii. Kemudian tuliskan ayat-ayat Alkitab yang mengandungi doa Paulus di papan tulis.

Efesus 1:15-23

Filipi 1: 9-11

Efesus 3:14-19

Kolose 1:9-14

- iv. Beritahu mereka untuk membaca bahagian Alkitab tersebut dan melihat apa yang dikatakan oleh Paulus tentang pertumbuhan Kristian dalam hubungan mereka dengan Tuhan.
- v. Minta mereka untuk melihat samada Paulus ada menyentuh tentang bertumbuh untuk mengenal hadirat Tuhan dalam kehidupan mereka.
- vi. Ringkaskan seperti berikut, merujuk kepada perkara yang telah mereka bincangkan tentang:

B. Hidup Dalam Iman

1. Prinsip Paulus dalam doanya untuk tiga gereja berkenaan ialah supaya mereka bertumbuh dan mengenal Tuhan lebih dalam (*Efesus 1:17, Filipi 1:9, Kolose 1:9-10*).
2. Bagaimanakah anda mengenal seseorang?
3. Ada banyak persamaan dalam perihal mengenal Tuhan dan mengenal manusia. (*Rujuk mereka kepada perkara yang baru sahaja mereka bincangkan*). Pada masa yang sama, hubungan anda dengan Tuhan adalah berbeza dengan hubungan anda dengan manusia.
4. Tuhan adalah roh dan Dia tidak boleh dilihat. Kita tidak boleh mendengar, melihat atau menyentuh Dia, berbeza dengan hubungan kita dengan manusia.
5. Sering kali kita menimbulkan masalah kerana kita menyamakan hubungan kita dengan Tuhan dan hubungan kita dengan manusia.

Kita mahu melihat Dia atau pun sekurang-kurangnya menyentuh Dia; kita mahu Tuhan berbicara dengan suara yang kedengaran dan mengatakan perkara yang senang untuk kita fahami.

6. Paulus tidak pernah meminta Tuhan untuk menunjukkan hadirat-Nya kepada orang ramai. Apa yang Paulus mahu adalah untuk mereka mengenal Tuhan, bukan hanya dengan sekadar merasa hadirat-Nya.
7. Walaupun Paulus sendiri pernah melihat Yesus menunjukkan diri-Nya, dia tidak pernah menekankan pengalaman seperti itu mesti menjadi kebiasaan kehidupan orang Kristian. Dia juga tidak menyuruh orang-orangnya supaya mencari pengalaman seperti itu. (*Rujuk mereka kepada 1 Korintus 12: 1,7*).
8. Paulus berdoa supaya Tuhan memberikan roh-Nya kepada mereka supaya mereka tahu dan memahami kehendak-Nya (*Efesus 1:17, Kolose 1:9*) dan menerima kasih-Nya melalui Kristus dengan iman. (*Efesus 3:16-19*).
9. Apa yang paling penting dalam kehidupan Kristian anda ialah mengenal Tuhan, bukan merasakan-Nya. Mungkin ada masanya Tuhan mahu anda merasakan hadirat-Nya dan anda harus bersyukur untuk itu.
10. Tetapi pengalaman seperti itu tidak selalu berlaku. Kehidupan Kristian anda dalam sehari-harian adalah untuk mengenal Tuhan dan memahami tujuan hidup yang diberikan oleh-Nya kepada anda, seperti yang tertulis dalam Alkitab. (*Rujuk mereka kepada hal yang mereka temui tentang Abraham*).
11. Alkitab mengatakan bahawa Abraham berjalan bersama Tuhan selama 100 tahun. Dia berumur 75 apabila Tuhan menunjukkan diri-Nya buat pertama kali kepada Abraham (*Kejadian 12:4*) dan 175 apabila dia meninggal dunia (*Kejadian 25:7*).
12. Sepanjang 100 tahun perhubungannya dengan Tuhan, kita hanya membaca bahawa hanya 8 kali Abraham bertemu dengan Tuhan (12:1-3, 12:7, 13:14-17, 15:1, 17:1-2, 18:1, 21:12, 22:1-2).
13. Sepanjang tahun yang lain dia bersama dengan Tuhan, Abraham berjalan dalam iman, mempercayai siapa Tuhan dan apa yang telah dijanjikan-Nya.
14. Alkitab memberitahu supaya kita hidup dalam iman seperti Abraham, dan bukan dengan penglihatan.
15. *Suruh mereka membuka 2 Korintus 5:7 dan Ibrani 10:35-11:1,6.*
16. Imanlah yang menolong kita ‘melihat’ kepada dunia Tuhan yang tidak boleh dilihat dengan mata kasar. Penulis Ibrani berkata bahawa iman ialah “yakin kepada apa yang kita harapkan dan pasti terhadap perkara yang tidak bolah dilihat”.
17. Dalam perjalanan sehari-harian kita bersama Tuhan, kita bukan

- hanya berfokus kepada kehadiran Tuhan secara fizikal.
18. Kita harus berjalan menurut kehendak-Nya dan pada masa yang sama roh-Nya mengajar dan membimbing kita untuk bertumbuh dalam pemahaman kita terhadap Tuhan dan kehendak-Nya. Kita percaya dengan iman bahawa Tuhan selalu berserta kita walaupun kita tidak merasakan kehadiran-Nya.

C. Kehidupan Yang Berbuah

1. Perhatian Paulus yang kedua ialah supaya mereka menjalani kehidupan yang dimana mereka layak dipanggil sebagai Anak Tuhan (*Kolose 1:10*).
2. Oleh itu dia berdoa supaya mereka hidup kudus dan berbuah dalam kehidupan mereka untuk Tuhan (*Filipi 1:10-11, Kolose 1:10*).
3. Oleh itu, anda seharusnya tidak terlalu terganggu dengan kehadiran atau ‘ketidakhadiran’ Tuhan dalam hidup anda. Anda harus hidup dalam iman, percaya bahawa Dia sentiasa bersama anda. Seharusnya anda lebih peduli untuk menurut perintah-Nya dan menjalani hidup yang berbuah.
4. Itulah yang dititikberatkan oleh Paulus. Dan juga oleh Yesus.
5. *Beritahu mereka untuk membuka Yohanes 15:4-6,16.*
6. Yesus memanggil kita untuk tinggal dekat dengan-Nya supaya kita menghasilkan buah-buah kehidupan. Disaat kita membiarkan isu ‘ketidakhadiran’ Tuhan dalam hidup kita mengganggu fikiran, kita akan menjadi seorang yang mementingkan hal luaran dan mementingkan diri secara rohani.
7. Apakah yang dikatakan dengan menghasilkan buah kehidupan? (*Biarkan mereka memberi respon*).
8. Apa yang Tuhan mahukan ialah supaya anda bertumbuh dalam semua aspek kehidupan anda- perlakuan anda, menghasilkan buah-buah Roh Kudus (*minta mereka sebutkan buah-buah Roh dari Galatia 5: 22-23*), dalam kekudusan dan dalam pelayanan kepada orang lain.
9. Inilah yang harus menjadi keutamaan dalam hidup anda. Sewaktu anda berusaha untuk melakukan rancangan Tuhan, Dia akan membuktikan bahawa Dia nyata dalam hidup anda.
10. Adalah penting untuk kita menyedari bahawa kita adalah makhluk ciptaan-Nya-kita tidak boleh meminta Tuhan untuk menunjukkan diri-Nya kepada kita sesuka hati.
11. Sekiranya Tuhan hendak menunjukkan diri-Nya kepada kita, itu adalah kehendak-Nya sendiri-kita harus percaya bahawa Dia sangat mengasihi kita dan Dia senang dalam kita. Samada kita selalu mengalami-Nya, ataupun jarang dalam kehidupan kita seperti Abraham, atau tidak pernah sama sekali, itu tidak bererti

Dia kurang mengasihi atau kurang nyata.

12. Jadi belajarlah untuk hidup dalam iman dan bukan dengan penglihatan. Berusaha untuk berbuah dalam kehidupan anda dan mengetahui bahawa dengan berbuat demikian anda menyenangkan Dia, Tuhan yang selalu dekat dengan anda walaupun anda tidak sedar.



Doa

Kekalkan mereka dalam kumpulan yang sama. Beritahu mereka untuk mengangkat setiap pernyataan mereka dihadapan Tuhan dan berdoa supaya Tuhan menolong mereka untuk hidup seperti yang mereka tuliskan. Beritahu mereka untuk berdoa supaya Tuhan lebih dekat di saat mereka hidup menurut apa yang menyenangkan-Nya dan juga supaya Tuhan memberikan pengertian yang dalam di hati mereka dan kuasa kasih-Nya serta hadirat-Nya dalam kehidupan mereka.

Sesi 4 : Mengapa Tuhan Tidak Menjawab Doa Saya?



Objektif-Objektif Sesi

1. Menyedari bahawa Tuhan mendengar dan menjawab semua doa mereka jika lau mereka setia bersama Tuhan dan meminta sesuai dengan rancangan-Nya.
2. Menyedari bahawa Tuhan tidak menjawab doa mereka jika mereka menyimpan dosa dalam peribadi mereka dan meminta dengan tujuan yang salah.
3. Membuat satu senarai doa mereka yang tidak dijawab dan menyelidikinya dengan apa yang telah dipelajari dalam sesi.



Aktiviti Bersama Ada Penyebabnya

1. Tujuan aktiviti ini adalah untuk para peserta bercerita tentang orang-orang yang selalu berkata “ya” dan “tidak” kepada mereka.
2. Bahagikan para peserta kepada beberapa kumpulan. Seramai lima atau empat dalam satu kumpulan.
3. Minta mereka untuk membincangkan perkara berikut:
 - (a) Sebutkan nama orang yang paling kerap mengatakan “ya” kepada anda. Apakah sebabnya?
 - (b) Sebutkan nama orang yang paling kerap mengatakan “tidak” kepada anda. Apakah sebabnya?
4. Kemudian minta setiap kumpulan untuk mengongsikan perbincangan mereka.



Renungan Firman Tuhan

A. Pengenalan

1. Ada banyak sebab mengapa sesetengah orang mengatakan “ya” dengan gembira apabila kita mengatakan sesuatu kepada mereka. (*Rujuk mereka kepada perbincangan sebelumnya*).
2. Sesetengah orang terlalu baik dan tidak berani untuk mengatakan “tidak” kepada orang lain.
3. Ada pula yang sekadar mahu membuat orang lain gembira.
4. Yang lain pula mengatakan “ya” kerana mereka percaya bahawa mereka akan mendapat sesuatu yang baik dengan berbuat demikian, juga kepada orang yang meminta.
5. Sering kali orang mengatakan “tidak” kerana mereka berfikir bahawa permintaan tersebut tidak baik untuk diri mereka sendiri

- dan juga kepada yang meminta. (*Rujuk mereka kepada perbincangan sebelumnya*).
6. Sudah tentu ada juga orang yang mengatakan “tidak” demi kepentingan mereka sendiri seperti; mereka tidak mahu diganggu, ataupun mereka tidak mahu terlibat dan sebagainya.
 7. Adakah ianya baik untuk selalu mengatakan “ya” kepada seseorang? (*Biarkan mereka memberi respon*).
 8. Pada masa apakah ianya lebih baik untuk mengatakan “tidak”? (*Biarkan mereka memberi respon*).
 9. Mengatakan “ya” dengan kerap kepada seseorang tidak semestinya baik bagi orang tersebut.
 10. (*Rujuk mereka kepada perbincangan sebelumnya*). Adakah orang lain mengatakan “ya” untuk menjaga hati; ataupun mereka tidak mahu orang lain memikirkan yang bukan-bukan tentang mereka sekiranya penolakan itu mengakibatkan sesuatu yang tidak baik untuk jangka masa yang panjang.
 11. Ada masanya apabila kita lebih baik mengatakan “tidak” untuk kebaikan orang yang meminta.
 12. Bagaimana pula halnya apabila Tuhan mengatakan “ya” atau “tidak” kepada doa kita? Apakah sebab-sebab yang Tuhan pertimbangkan?
 13. Inilah yang akan kita bincangkan pada sesi ini.

B. Adakah Tuhan menjawab setiap doa?

1. Lakukan undian untuk mengetahui siapa yang percaya Tuhan menjawab semua doa dan siapa yang tidak percaya.
2. Kemudian suruh mereka untuk membincangkan perkara berikut dalam kumpulan masing-masing:
 - (a) Apakah yang anda rasakan dan apakah respon anda apabila anda tidak melihat Tuhan menjawab doa anda?
 - (b) Seandainya anda adalah tuhan, adakah anda akan menjawab semua doa anda? Kenapa dan kenapa pula tidak?
3. Kemudian minta wakil dari setiap kumpulan untuk mengongsikan hasil perbincangan mereka. Ringkaskan seperti berikut:
4. Adalah sesuatu yang biasa jika kita berasa kecewa dan terluka apabila kita tidak mendapat jawapan doa. (*rujuk mereka kepada beberapa hal yang telah dibincangkan*)
5. Sesetengah daripada kita melangkah jauh dan marah serta mengalami kepahitan dengan Tuhan kerana kita tidak mendapat jawapan doa kita.
6. Ada yang sampai menolak Tuhan, dengan menuduh-Nya tidak mengambil berat atau tidak wujud sama sekali.

7. Adakah Tuhan mendengar semua doa kita dan adakah Dia menjawabnya? Bagaimanakah respon kita yang sepatutnya apabila doa kita tidak dijawab?
8. Untuk itu, kita harus merujuk kepada Firman Tuhan dan melihat apa yang firman katakan tentangnya.

C. Mengetuk Pintu Syurga

Ringkaskan seperti berikut, merujuk kepada hal-hal yang telah dibincangkan:

1. Tuhan Mendengar Semua Doa Kita

- i. Buku Wahyu memberikan kita gambaran yang indah tentang apa yang berlaku kepada doa-doa kita. Buku ini memberitahu bahawa semua doa kita dipersembahkan bersama-sama dengan kemenyan di mezbah Tuhan. (*Wahyu 8: 4-5*)
- ii. Doa kita sampai di hadapan Tuhan sebagai persembahan kepada-Nya.
- iii. Sejak dari permulaan lagi, Tuhan telah mengisyitiharkan bahawa tiada tuhan yang lain seperti Dia yang sentiasa dekat dengan orang-orang-Nya, mendengarkan mereka setiap kali mereka berdoa. (*Ulangan 4:7*)
- iv. Adakah Tuhan mempunyai syarat untuk doa kita didengar oleh-Nya? (*Biarkan mereka memberi respond dan menyatakan sebab-sebabnya*).
- v. Alkitab telah memberi kita peringatan bahawa meskipun Tuhan itu sentiasa dekat dan mendengar setiap doa kita, kita boleh, kerana kita sendiri, membuat Tuhan tidak mendengar kita.
- vi. Alkitab menyatakan dua syarat tersebut:
 - (a) Apabila kita bangga dan tidak bertaubat dari dosa kita. (*2 Tawarikh 7:14*)
 - (b) Apabila kita tidak bersikap benar dalam doa kita. (*Mazmur 145:18*)
- vii. Jika kita sebagai anak-anak Tuhan hidup setia dan patuh kepada-Nya, kita tidak harus bimbang tentang Tuhan tidak menjawab doa kita, tidak kira apa sahaja yang kita minta.
- viii. Kita perlu ingat bahawa Dia adalah Bapa kita yang di syurga, yang mengasihi kita dan yang senang apabila kita mendekat pada-Nya serta bertanya kepada-Nya tentang keinginan hati kita.

2. Tuhan Menjawab Setiap Doa Kita

- i. Terdapat banyak penerangan yang menjawab tentang mengapa Tuhan tidak menjawab doa kita. ‘Tidak’ ialah salah satu jawapan

- Tuhan.
- ii. Jika pertanyaannya ialah ‘adakah Tuhan menjawab “ya” kepada semua doa, jawapannya ialah ‘tidak’. Tuhan tidak memberi semua perkara yang telah kita minta dalam doa kita.
 - iii. Dari sudut pandangan Alkitab, kita boleh katakan bahawa Tuhan menjawab setiap doa- Dia menjawabnya dengan “ya”, “tidak” atau “tunggu”. Walau bagaimanapun, jawapan “tunggu” itu kadang-kadang boleh dimaksudkan dengan “ya” atau “tidak”.
 - iv. Kenapa Tuhan tidak memberikan sahaja apa yang kita minta? Di beberapa tempat dalam Alkitab seperti Matius 7:7, Yesus sendiri yang mengatakan bahawa jika kita minta, ianya akan diberikan kepada kita. Biarkan mereka memberi respon.
 - v. Alkitab memberikan kita beberapa sebab mengapa Tuhan tidak menjawab doa kita:

(1) Tujuan yang salah (Yakobus 4:3)

- a. Yakobus mengatakan bahawa kita tidak mendapat apa yang kita minta daripada Tuhan kerana kita memintanya dengan tujuan yang salah.
- b. (*Minta mereka mencadangkan tujuan-tujuan yang berkemungkinan salah*).
- c. Kadang-kadang kita meminta untuk kepentingan diri kita sendiri; atau kita berkeinginan sesuatu terhadap orang lain dan itu membuat kita berdosa; atau kita mahu memberikan kemuliaan itu kepada diri kita sendiri dan bukannya kepada Tuhan dan sebagainya.

(2) Dosa (Mazmur 66:18)

- a. Pemazmur menyatakan bahawa jika kita menyimpan dosa dalam hati kita, Tuhan tidak akan menjawab doa kita.
- b. Dosa bukan sahaja menyekat perhubungan kita dengan Tuhan, ia juga memutarbelitkan cara kita melihat segala sesuatu. Oleh itu, sekiranya kita tetap dengan dosa kita, fikiran dan keinginan kita itu tidak kudus dan pasti bukan dalam rancangan Tuhan untuk hidup kita.
- c. Bagaimanakah Tuhan boleh menjawab doa yang dipanjangkan dalam keadaan rohani yang sedemikian?

(3) Di luar kehendak Tuhan (2 Korintus 12:7-9)

- a. Kerana Tuhan ialah Bapa kita yang di syurga, Dia tidak akan pernah menjawab doa yang tidak membawa kebaikan kepada kita.
- b. Dalam kisah Paulus, Tuhan tidak menjawab doanya kerana Tuhan tahu bahawa apa yang dia ada akan menolong dia lebih berharap kepada Tuhan.
- c. Secara lahiriah kita tidak boleh melihat di sebalik segala

- sesuatu dan kita tidak selalunya meminta perkara yang berguna bagi kita.
- d. Tuhan, bagaimana pun, melihat segalanya. Oleh itu walaupun kita tidak tahu pada masa itu bahawa perkara yang kita minta tidak baik untuk diri kita, kita harus percaya bahawa jawapan “tidak” itu adalah untuk kebaikan kita.
- e. Di sisi yang lain, Tuhan juga sangat senang untuk menjawab doa kita:
- Apabila kita menaati Dia (1 Yohanes 3:21-23)**
 - Yohanes berkata jika kita taat kepada Tuhan, kita melakukan apa yang menyenangkan hati-Nya dan Dia akan menjawab doa kita sesuai dengan apa yang kita minta.
 - Ini kerana jika kita berjalan dalam rancangan-Nya, apa yang kita inginkan tidak bercanggah dengan rancangan Tuhan untuk hidup kita. Oleh itu, apa yang kita minta itu sama dengan apa yang Tuhan mahu berikan kepada kita.
 - Apabila Kita meminta sesuai Kehendak-Nya (1 Yohanes 5: 14-15)**
 - Kita harus belajar untuk mencari kehendak Tuhan kemudian berdoa seiringan dengan rancangan tersebut.
 - Yohanes mengatakan bahawa kita boleh ada keyakinan untuk mencapai Tuhan dan tahu bahawa Dia akan mendengar kita apabila kita meminta apa sahaja menurut rancangan-Nya.
 - Jika Dia mendengar kita maka kita tahu bahawa Dia akan memberikan apa yang kita minta.
 - Inilah yang Yesus maksudkan apabila Dia mengatakan bahawa apa sahaja yang kita minta, kita akan menerimanya dari Tuhan.
- f. Walau bagaimanapun, ada masanya bila Tuhan seperti berdiam diri dan tidak ada jawapan bagi doa kita, sama ada “ya” atau “tidak”.
- g. Seperti Habakuk, kita harus belajar untuk menunggu dan berjaga-jaga untuk jawapan Tuhan. Dia berjanji bahawa Dia akan sentiasa menjawab sekiranya kita mencari-Nya dengan rendah hati dan melakukan kehendak-Nya. Kita harus menunggu masa Tuhan.
- h. Janji Alkitab ialah bahawa Tuhan selalu mendengar doa

kita jika kita datang di hadapan-Nya dengan penuh ketaatan dan keinginan untuk melakukaan rancangan-Nya.

- J. Ada masanya bila kita mendapat jawapan serta merta.
- K. Ada masanya bila jawapan “ya” Tuhan datang dengan cara yang kita tidak sangkakan. Jadi kita harus berjaga-jaga dan mencamkan bagaimana Dia bekerja dalam hidup kita.
- I. Ada masanya kita harus menunggu.
- m. Ada masanya apabila Dia tidak memberikan apa yang kita mahukan. Kita perlu ingat bahawa “tidak” juga adalah satu jawapan dari-Nya. Kecuali kalau kita hidup dalam dosa atau meminta dengan tujuan yang salah, jawapan “tidak” dari Tuhan selalunya untuk kebaikan kita sendiri.

D. Menyelidiki Hati

- 1. Adalah penting untuk anda menyelidiki hati dan fikiran apabila anda rasa bahawa Tuhan tidak menjawab doa anda.
- 2. Anda harus bertanyakan soalan berikut:
 - Adakah dosa dalam hidup saya yang belum saya akui di hadapan Tuhan?
 - Adakah saya meminta dengan tujuan yang salah?
 - Adakah saya mahu menjadi taat dan meminta sesuai kehendak-Nya?
- 3. Sekiranya anda menjawab “tidak” kepada dua soalan yang awal dan “ya” kepada soalan yang ketiga, mungkin Tuhan mahu untuk kita menunggu. Jawapan-Nya belum datang lagi.
- 4. Sekiranya anda menjawab “ya” kepada mana-mana soalan dua terawal itu, anda harus menyelidiki hidup anda dan berbuat sesuatu tentangnya.
- 5. Kita harus sedar bahawa bukan Tuhan yang tidak mahu menjawab doa kita. Kitalah yang kadang-kadang mempengaruhi jawapan Tuhan terhadap permintaan kita.
- 6. Ada kalanya Tuhan sudah menjawab doa kita tetapi kita tidak menyedarinya kerana kita mahukan Tuhan menjawabnya sesuai dengan apa yang kita inginkan.
- 7. Kita tidak harus berasa kecewa jika kita tidak mendapat jawapan seperti yang kita harapkan. Kita harus percaya bahawa Tuhan lebih mengetahui apa yang terbaik bagi kita.
- 8. Jika anda telah meminta dengan tujuan yang betul dan Dia tidak memberikan jawapan, anda harus belajar untuk menyerahkan kerisauan anda di tangan-Nya dan seperti Paulus, percaya bahawa Dia tahu apa yang terbaik.
- 9. Apa yang paling penting pada akhirnya ialah anda belajar untuk

hidup mempercayai Dia dan mencari-Nya untuk mengasihi-Nya serta melakukan rancangan-Nya. Jadi anda tidak perlu menjalani hidup Kristian anda dengan selalu bertanya mengapa Tuhan tidak menjawap doa anda.



Renungan Peribadi

1. Minta mereka untuk menyenaraikan doa mereka yang dirasakan tidak dijawab.
2. Selain dari senarai tersebut, minta mereka untuk melukis 3 bahagian dengan tajuk berikut: *Dosa, Tujuan, Di luar Rancangan Tuhan*.
3. Beritahu mereka untuk meneliti setiap doa dalam senarai mereka dengan sikap doa dan meneliti samada mereka mempunyai dosa dalam hidup mereka pada masa itu atau mungkin sekarang; atau mereka telah meminta dengan tujuan yang salah; atau mungkin apa yang mereka minta tidak baik untuk mereka untuk jangka masa yang panjang.
4. Suruh mereka untuk menandakan bahagian yang berkenaan sekiranya ia berkaitan dengan doa tersebut.
5. Terangkan kepada mereka sekiranya terdapat doa yang tidak ditandakan apa-apa, mungkin Tuhan mahu mereka berjaga-jaga dan mengamati jawapan-Nya. Atau mungkin Tuhan sudah mengatakan “tidak”, atau Dia sudah menjawapnya tetapi dengan cara yang berlainan.
6. Minta mereka untuk melihat kepada permintaan mereka sekali lagi dan melihat bagaimana mereka harus datang kepada Tuhan sekali lagi dengan tujuan yang betul dan tanpa dosa dalam hati mereka. Atau mungkin mereka mahu menukar fikiran mereka tentang meminta perkara yang lain. Atau mereka mungkin perlu mempertimbangkan samada Tuhan sudah menjawab tetapi dengan cara yang tidak disangkakan.
7. Beritahu mereka untuk berfikir dengan baik apa yang mereka mahu lakukan apabila mereka datang di hadapan Tuhan untuk berdoa. Ada di antara mereka mungkin perlu meminta ampun, atau untuk meminta Tuhan mengajar mereka supaya berjalan dalam ketaatan dan meminta sesuai dengan kehendak-Nya. Ada juga yang mungkin perlu meminta Tuhan supaya mengajar mereka untuk menunggu jawapan, atau menerima bahawa Dia sudah menjawapnya dengan “ya” atau “tidak”.
8. Kemudian suruh mereka untuk meluangkan masa bersama Tuhan dan membawa di hadapan Tuhan apa yang telah diletakkan oleh-Nya di dalam hati mereka.

Sesi 5 : Kita Dicipta Menurut Gambar-Nya



Objektif-Objektif Sesi

1. Menyedari bahawa Allah menciptakan manusia (lelaki dan perempuan) serupa dengan gambar-Nya dan memberi kuasa untuk menjaga segala ciptaan-Nya.
2. Memahami bahawa semua manusia bermartabat dan layak untuk dihormati kerana manusia diciptakan menurut gambar Allah.
3. Membincangkan cara-cara bagaimana umat Allah menghormati dan memartabatkan orang lain.



Pencetus Minat /Aktiviti Bersama

1. Tujuan aktiviti ini adalah untuk mendorong para peserta berfikir tentang bagaimana mereka melihat keperibadian mereka dan mengungkapkannya dalam potret mereka.
2. Jelaskan kepada mereka bahawa anda mahu supaya mereka memikirkan bagaimana untuk menggambarkan diri mereka, terutama sekali tentang personaliti dan karakter diri mereka.
3. Kemudian minta mereka melakarkan dan mewarnakan potret mereka dengan menggunakan bahan pewarna yang bersesuaian. Beritahu mereka bahawa lakaran potret mereka bukan sahaja dipamerkan sebagai fizikal yang menyerupai tetapi juga menggambarkan siapa diri mereka.
4. Contohnya, jika mereka melihat diri mereka sebagai seorang yang aktif, lincah, bersemangat, mereka mungkin menggunakan warna yang terang untuk menggambarkan diri mereka pada portret.
5. Apabila selesai, minta mereka menunjukkan potret masing-masing dan menjelaskan apa yang mereka mahu sampaikan melalui lakaran mereka.



Renungan Firman Tuhan

(beri mereka beberapa minit untuk membuat Renungan Firman Tuhan)

1. Pengenalan

- a. Sungguh menakjubkan untuk melihat bagaimana anda menjelaskan diri anda melalui lakaran potret, bukan? Kita bukannya mahu menjadi seorang artis pelukis di sini, tetapi inilah yang biasa dilakukan oleh seorang pelukis ketika sedang melukis. Mereka akan cuba untuk menangkap intipati untuk diungkapkan pada lukisan

- atau lakaran mereka.
- Seorang penulis juga akan melakukan hal yang sama apabila mereka menulis, sama ada menulis biografi ataupun cerita-cerita di mana mereka akan menggunakan satu karakter untuk dijadikan gambaran. Dalam hal yang lain, seorang penulis juga akan merancang untuk menggunakan perkataan dalam penulisannya untuk menyampaikan siapakah dirinya melalui penulisannya.
 - Sebenarnya semua orang yang kreatif melakukan hal yang sama. Mereka selalu menggambarkan diri mereka pada hasil kerja mereka, tidak kira mereka seorang pelukis, pemuzik, jurukamera atau seorang pengukir.
 - Begitu juga dengan Allah apabila Dia menciptakan terlebih dahulu perkara yang sangat penting dan berharga bagi Dia.
 - Pada fikiran anda apakah ciptaan Allah yang paling berharga? (*Biar mereka respon*).
 - Apabila kita meletakkan diri kita pada apa yang kita ciptakan, kita tidak akan dapat melakukannya dengan sempurna. Kita tidak akan dapat menciptakan sesuatu yang 10% serupa dengan kita.
 - Tetapi apabila Allah menciptakan manusia, Allah dapat melakukannya, Dia menciptakan kita serupa dengan Diri-Nya.
 - Inilah yang kita mahu lihat dalam sesi ini, bagaimana Allah menciptakan kita serupa dengan gambar-Nya.

2. Penciptaan - Kegembiraan Allah

- Alkitab tidak pernah cuba membuktikan bahawa Allah wujud. Walaupun segala sesuatu mempunyai permulaannya tetapi Alkitab menyatakan bahawa Allah telah sedia wujud. Tidak ada yang mencipta-Nya.
- Sebab itulah dari awal-awal lagi Alkitab telah memfokus kepada Allah dan bagaimana Allah yang bertanggungjawab mencipta kepada semua perkara. “Allah menciptakan langit dan bumi” (Kejadian 1:1)
- Di setiap sudut dalam peristiwa penciptaan, kita diberitahu oleh penulis kitab Kejadian bahawa Allah melihat akan ciptaan-Nya dan apa yang Dia lihat adalah baik. (ayat 4, 10b, 12b, 18b, 21b, 25b)
- Kami dapat menanggapi bahawa Allah sangat senang dengan semua yang telah Dia ciptakan.
- Dan apabila segala ciptaan-Nya lengkap, Allah melihat semuanya amat baik. Semuanya siap diatur, semua dilakukan dengan sempurna dan Allah sangat gembira.
- Apa yang menjadi klimaks ciptaan Allah sangat penting. Tanpa itu, Allah tidak akan menganggap ciptaan-Nya lengkap dan sempurna kerana tidak ada yang akan berkuasa atas ciptaan-Nya.

- g. Alkitab mengatakan bahawa sentuhan ciptaan-Nya sungguh mengagumkan. Allah menciptakan manusia menurut gambar-Nya. Allah memberkati mereka dan memberikan mereka kuasa untuk menguasai atas segala yang diciptakan-Nya (1:26-31). Kerana itu adalah pelengkap penciptaan-Nya, maka Allah melihat segala yang dijadikan-Nya sungguh amat baik.
- h. Pernahkah anda berfikir betapa gembiranya Allah dengan segala yang diciptakan-Nya terutama bila Dia menciptakan anda? Adakah anda sedar bahawa Anda sangat menyenangkan Allah? (*Biarkan mereka merenung untuk seketika*)

3. Manusia - Serupa dengan gambar Allah

(i) Manusia Diciptakan Seperti Allah

- a. Apakah yang memisahkan manusia daripada segala ciptaan Allah yang lain? (*Biar mereka respon*)
- b. Apakah yang membuat manusia unik dalam karya penciptaan Allah adalah pada hakikatnya, Allah menciptakan manusia menurut gambar-Nya dan memberinya kuasa atas semua makhluk yang diciptakan-Nya (1:26). Inilah yang membezakan manusia dari semua ciptaan Allah yang lain termasuklah haiwan. Allah mengasihi haiwan dan memberikan keistimewaan yang khusus tetapi haiwan tidak diciptakan menurut gambar-Nya.
- c. Apakah yang dimaksudkan 'diciptakan menurut gambar Allah'? (*Biar mereka respon*)
- d. Alkitab menyatakan bahawa kita diciptakan menurut rupa Allah. Ini tidak bermakna bahawa kita adalah 'tuhan' seperti Dia, atau kita memiliki semua sifat ilahi seperti maha kekal atau maha wujud. Ini bermakna bahawa kita memiliki kesamaan dengan Allah dalam 'keperibadian-Nya' dan karakter moral. Kita seperti Allah di mana kita boleh berfikir dan merasa. Kita juga mempunyai kualiti moral-Nya iaitu kebenaran, kesetiaan, kasih, kesabaran, dan lain-lain.
- e. Alasan kenapa kita dapat melihat beberapa kualiti kebaikan, kasih dan banyak perkara lagi dalam diri kita adalah kerana kita diciptakan menurut gambar Allah.
- f. Mengapa kita tidak lagi menunjukkan sifat-sifat kesempurnaan itu lagi akan dibahaskan dalam sesi seterusnya.
- g. Jika Allah menciptakan kita untuk menjadi seperti Dia, bukankah kita mempunyai satu tempat istimewa dalam kasih dan kesenangan Allah? Kita tidak akan datang atau wujud secara rawak daripada percantuman atom atau molekul seperti yang dikatakan oleh beberapa teori tentang awal kehidupan.
- h. (*Minta mereka merujuk dalam Mazmur 139:13-16. Minta seorang daripada mereka untuk membaca petikan tersebut*).

- i. Kita memiliki satu keperibadian yang mempunyai martabat dan berharga kerana Allah sudah mengenal kita dan dengan penuh kasih Dia telah menciptakan kita untuk menjadi seperti Dia.
- j. Walaupun Allah senang dengan semua haiwan dan tumbuh-tumbuhan ciptaan-Nya, tetapi manusia adalah yang terutama dan berharga di mata Allah kerana kita adalah seperti Dia.

(ii) Lelaki dan Perempuan Adalah Sama Seperti Allah.

- a. Kerana manusia terdiri daripada lelaki dan perempuan, siapakah yang lebih seperti Allah, lelaki atau perempuan? (Biar mereka respon)
- b. (Minta mereka merujuk ayat 1:27. Minta salah seorang untuk membacakan ayat ini).
- c. Alkitab mengatakan bahawa kedua-dua lelaki dan perempuan adalah gambaran Allah. Ini bererti bahawa lelaki sahaja atau perempuan sahaja tidak cukup untuk menyatakan gambaran penuh dari rupa Allah.
- d. (Minta mereka merujuk ayat 2.18. Minta salah seorang untuk membacakan ayat ini).
- e. Penciptaan lelaki tidak lengkap tanpa menciptakan perempuan untuk melengkapkan dia.
- f. Kedua-dua lelaki dan perempuan mempunyai kepentingan yang sama di mata Allah. Perempuan bukanlah rendah atau lebih kecil kepentingannya walaupun secara fizikal berbeza dari lelaki.
- g. Sebab itulah dari perspektif Alkitab, setiap manusia layak dihormati dan dihargai kerana dia bermartabat dan memiliki rupa Allah yang menciptakan mereka. Tidak ada seorang pun yang layak dipandang rendah dan diperlakukan dengan kejam atau tidak adil.

C. Diciptakan Untuk Memerintah Seperti Allah

- a. Lelaki dan perempuan adalah ciptaan yang berbeza, unik dan sangat berharga di mata Allah kerana Dia menciptakan manusia seperti Dia. Dia juga memberikan manusia tempat yang istimewa dalam penciptaan-Nya. Apakah tempat yang istimewa itu? (Biar mereka respon)
- b. Selepas Allah menciptakan manusia - lelaki dan perempuan, Dia memberkati mereka dan memberikan mereka mandat, hak dan kuasa, untuk melakukan dua perkara:
 - Untuk mendiami bumi
 - Untuk menguasai/memerintah semua yang diciptakan-Nya.
- c. (Minta mereka merujuk di Mazmur 8. Suruh seorang untuk membacanya)
- d. Pemazmur mengatakan bahawa Allah telah memahkotai manusia

- dengan kemuliaan, kehormatan dan keagungan dengan meletakkan ciptaan-Nya di tangan manusia dan memberikan dia hak keistimewaan untuk berkuasa atas ciptaan-Nya.
- e. Apakah yang anda fikirkan apabila kita dipanggil sebagai penguasa ke atas semua ciptaan Allah? (*Biar mereka respon*)
- f. Kita dipanggil untuk:
- Bertanggungjawab untuk menjaga bumi dan segala isinya.
 - Menjaga dan tidak mengekpolitisasi, mensia-siakan atau merosakkan ciptaan Allah.
- g. Apa maksud semua ini secara praktikal bagi kita? Dengan cara apakah kita boleh bertindak dengan bertanggungjawab sebagai pemerintah bagi pihak Allah atau pengurus ke atas segala ciptaan-Nya? (*Minta mereka membincangkan perkara ini*).



Doa

Tutup sesi dengan berterima kasih Tuhan kerana telah menjadikan setiap orang yang hadir di ruang ini sesuai dengan gambar-Nya. Berdoa supaya Dia memberkati mereka dengan sebuah keyakinan yang mendalam bahawa kita diciptakan untuk menjadi seperti Dia. Berdoa supaya berkat yang mereka terima dari Dia membolehkan mereka memberkati orang-orang di sekeliling mereka yang tidak dilayan dengan baik oleh orang lain.

Sesi 6: Gambaran Yang Rosak



Objektif-Objektif Sesi

1. Mempelajari bahawa dosa memasuki dunia apabila Adam dan Hawa digoda untuk menjadi seperti Allah dan telah bertindak melawan perintah Allah.
2. Dosa Adam dan Hawa telah mencemarkan imej Allah pada umat manusia dan menyebabkan hubungan manusia dengan Allah putus.
3. Memikirkan bahagian kehidupan mereka yang jauh daripada perintah Tuhan dan bagaimana mereka boleh memperbaikinya.



Pencetus Minat

1. Bahagikan mereka kepada beberapa kumpulan.
2. Minta mereka merujuk kepada Kitab Kejadian pasal 3.
3. Minta mereka melakonkan cerita dalam Kejadian 3 melalui drama pendek pantomime. Mereka juga boleh mempersempahkan dengan memberikan sentuhan kontemporari sekiranya mereka mahu.
4. Berikan mereka masa untuk berbincang dan persiapan sebelum mempersempahkan drama mereka.



Aktiviti Bersama Sungguh Memalukan!

1. Aktiviti ini bertujuan untuk memberi ruang kepada para peserta untuk berkongsi pengalaman mereka yang memalukan.
2. Bahagikan mereka kepada beberapa kumpulan. Setiap kumpulan mempunyai 4 atau 5 orang.
3. Minta mereka memikirkan kejadian yang paling memalukan yang pernah terjadi pada mereka, dan minta mereka berkongsi antara satu dengan lain dalam kumpulan.



Renungan Firman Tuhan

(beri mereka beberapa minit untuk membuat Renungan Firman Tuhan)

A. Pengenalan

1. Bukan mudah untuk mengungkapkan peristiwa dan pengalaman yang memalukan, bukan? (Biar mereka respon)
2. Kamu semua telah memberikan alasan mengapa kamu

menganggap pengalaman tersebut sangat memalukan. Tidak ada orang yang waras yang mahu dipermalukan. Biasanya kita merasa malu kerana kita takut apa yang orang lain fikirkan tentang kita.

3. Ego dan harga diri kita yang terluka itulah yang membuat kita merasa malu dan merasa bersalah.
4. Apakah perkara lain yang boleh menyebabkan kita merasa malu atau bersalah? (*Biar mereka respon*)
5. Biasanya kita merasa bersalah dan malu apabila kita melakukan sesuatu perkara yang salah, atau sesuatu yang tidak baik terhadap orang lain, atau sesuatu yang seharusnya kita tidak boleh lakukan.
6. Pada pendapat anda kenapa kita boleh merasa kita malu dan bersalah? (*Biar mereka respon*)
7. Pada sesi yang lepas, kita belajar bahawa Allah telah menciptakan kita menurut gambaran serta kualiti sifat moral-Nya. Pada pendapat anda adakah sifat bersalah dan malu sebahagian dari sifat yang Allah ciptakan untuk kita? (*Biar mereka respon*)
8. Apakah yang telah terjadi kepada kita sehingga perasaan sedemikian boleh menjadi sebahagian daripada kehidupan kita sebagai manusia yang dicipta menurut gambaran Allah? Inilah yang kita bincang dalam sesi ini.

B. Cerita Kejayaan

1. Di sesi yang lepas kita telah belajar bagaimana Allah menciptakan lelaki dan perempuan serupa dengan Allah. Pada pendapat anda kenapakah Allah mencipta manusia? (*Minta mereka membincangkan perkara ini*).
2. Minta mereka merujuk Yohanes 17:3,23b.
3. Yesus memberitahu kita tentang dua perkara. Pertama, Allah mengasihi semua yang telah diciptakan-Nya. Kedua, kita diciptakan untuk mengenal Allah kerana kehidupan kekal adalah mengenal Allah sendiri.
4. Allah menciptakan kita supaya kita mengenal dan mengasihi Dia sama seperti Dia mengenal dan mengasihi kita.
5. Kejadian 3:8-9 memberikan kita gambaran bahawa Allah pernah bertemu secara bersemuka dengan Adam dan Hawa sebelum mereka melanggar perintah Allah.
6. Maka apabila manusia mula-mula diciptakan, mereka mengenal Allah secara peribadi dan mempunyai hubungan yang sempurna dengan Sang Pencipta. Mereka juga menikmati perhubungan antara mereka secara terbuka. (Kejadian 2:25)
7. Namun, ini semua berubah apabila mereka menghadapi godaan mereka yang pertama.

C. Rancangan Si Jahat

1. Ingatkan mereka bagaimana mereka melakonkan peristiwa kejatuhan Adam dan Hawa di awal sesi ini (bahagian Pencetus Minat).
2. Apakah yang menyebabkan Hawa tergoda untuk mengambil dan memakan buah larangan bagi dia dan Adam? (rujuk ayat 4-6 dan biar mereka respon)
3. Ada dua alasan yang diberi. Pertama, buah itu kelihatan baik untuk dimakan. Kedua, Hawa mahu menjadi bijak seperti Allah.
4. Alasan pertama mungkin bukan motivasi yang utama. Dalam kejadian 2:9, kita diberitahu bahawa semua pohon adalah baik dan bagus untuk dijadikan makanan.
5. Hawa tergoda dengan peluang untuk menjadi seperti Allah dan mengetahui segala sesuatu (ayat 4-5). Dan dia memilih untuk tidak taat kepada perintah Allah dan mengikut tipu muslihat Si Iblis.
6. Kedua-dua mereka, Adam dan Hawa, memilih langkah yang mematikan dengan tidak taat kepada perintah Allah dan mengikut kehendak hati mereka berjalan kerana mereka ingin menjadi seperti Allah yang maha mengetahui.
7. Dapatkan anda melihat sifat Adam dan Hawa dalam keperibadian anda, iaitu berkeinginan untuk melakukan sesuatu dengan cara sendiri, yang mahu menjadi tuhan untuk menguasai kehidupan anda sendiri? (Biar mereka respon)
8. Satu tindakan ketidaktaatan mempunyai banyak akibat kepada manusia. Kita adalah apa yang kita ada sekarang dan kita hidup di dunia yang ada sekarang kerana tindakan ketidaktaatan dan pemberontakan kita terhadap Allah tersebut.

D. Perceraian Yang Agung

Apakah hasil dan akibat daripada ketidaktaatan yang Alkitab sebutkan sebagai ‘dosa’ (ayat 7-10)? (Biar mereka respon)

I. Hubungan yang Rosak Sesama Manusia (ayat 7)

- a. Perkara pertama yang terjadi kepada Adam dan Hawa ialah menyedari bahawa mereka telanjang dan mereka cuba menutup tubuh mereka. Pada pendapat anda apakah maksud ini? (Biar mereka respon)
- b. Mereka tidak lagi terbuka antara satu dengan lain. Di sini telanjang tidak bermaksud merujuk kepada telanjang secara fizikal sahaja. Ini juga merujuk kepada “telanjang” dalam bahagian-bahagian yang terdalam dalam diri seseorang kepada orang lain.
- c. Akibat pertama ialah hubungan antara manusia telah rosak. Dosa telah mengakibatkan perasaan negatif, curiga, rasa

bersalah dan malu.

- d. Kita tidak boleh lagi mempunyai hubungan yang mendalam antara satu sama lain tanpa rasa takut, ragu dan malu atau perasaan-perasaan negatif yang lain yang merosakkan hubungan.

II. Hubungan yang Rosak Antara Allah dan Manusia (ayat 8-10)

- a. Apakah akibat kedua? (*Biar mereka respon*)
- b. Akibat kedua dan yang paling dahsyat adalah Adam dan Hawa kehilangan persekutuan dengan Allah.
- c. Sekarang hubungan mereka dengan Allah terhalang. Dosa telah menyebabkan ketakutan, rasa bersalah dan malu pada diri mereka dihadapan Allah Tuhan mereka.
- d. Mereka sekarang kehilangan kesempatan untuk bersekutu dengan Allah dan “kebenaran asal” mereka, yang dahulunya melayakkan mereka berhubungan dengan Tuhan sesuai dengan kehendak-Nya. Mereka telah mencemarkan imej Allah dalam diri mereka dengan pemberontakan mereka. Akibatnya mereka terpisah dari Allah.
- e. Pemisahan ini disebutkan oleh Alkitab sebagai “kematian”. Kematian secara fizikal dan rohani kini telah memasuki dunia. Sekarang manusia terpisah dari Allah secara rohani dan tidak dapat hidup dalam hadirat-Nya secara berterusan lagi.
- f. Apakah kesan dosa terhadap manusia? (*Minta mereka merujuk Roma 5:12,14. Baca ayat ini untuk mereka*).
- g. Alkitab mengatakan kepada kita akibat daripada dosa telah membawa kesan kepada semua manusia. Setiap orang kini memiliki dalam hidup mereka apa yang dipanggil sebagai ‘dosa asal’, iaitu kecenderungan semula jadi untuk melakukan dosa dan memberontak kepada tujuan Allah.
- h. Anda boleh melihat ini dengan jelas pada anak-anak kecil. Tidak ada sesiapa pun yang mengajar mereka tentang dosa – namun setiap anak-anak tahu bagaimana mementingkan diri sendiri tanpa perlu diajar!

III. Dunia yang Rosak

- a. Kita sekarang harus hidup di dunia dengan segala akibat dari dosa dalam hidup kita. (*Minta mereka membincangkan apa yang mereka lihat sebagai akibat-akibat dosa di dunia ini*).
- b. Dunia kita adalah satu dunia yang rosak dan hancur kerana dosa. Kita tiada lagi mempunyai hubungan yang benar dengan Allah, atau antara satu dengan lain, atau dengan dunia yang Allah berikan kepada kita. Tidak ada lagi yang

sempurna dan harmoni.

- c. Semua sikap mementingkan diri sendiri dan kejahatan, semua kesakitan dan penderitaan dalam dunia ini adalah akibat dari dosa kita. Kita semakin jauh dari Allah dan antara satu dengan yang lain.
- d. Dengan diri kita sendiri, kita tidak dapat menghentikan dosa daripada menghancurkan kehidupan kita dan semua apa yang telah Allah ciptakan.
- e. Kita tidak memiliki kekuatan atau cara untuk menghapuskan dosa dari hidup kita dan membuat diri kita benar di hadapan Allah. Maka Allah harus masuk campur.
- f. Dia datang untuk memulihkan kehancuran dunia dan kehancuran manusia melalui Yesus Kristus. Inilah yang kita akan pelajari pada sesi selanjutnya.



Doa

Tutup sesi ini dengan berdoa untuk para peserta supaya mereka berupaya untuk menjadi seperti Tuhan setiap hari. Berdoa supaya Allah akan teruskan pekerjaan kasih karunia dalam kehidupan mereka, dan memulihkan mereka kepada Imej-Nya dalam kehidupan mereka.

Sesi 7: Salib: Kasih Dinyatakan



Objektif-Objektif Sesi

1. Menyedari bahawa Alkitab mengajar tidak ada pengampunan dosa tanpa penumpahan darah.
2. Memahami bahawa kematian Yesus di kayu salib adalah untuk membayar hukuman bagi dosa-dosa mereka. Ini menunjukkan betapa besarnya kasih Allah bagi mereka.
3. Memikirkan satu bahagian dosa atau kegagalan dalam kehidupan mereka dan menyerahkannya ke dalam tangan Allah untuk pengampunan-Nya.



Renungan Firman Tuhan

(beri mereka beberapa minit untuk membuat Renungan Firman Tuhan)

A. Pengenalan

1. Tidak mudah untuk membuat keputusan seperti dalam aktiviti kita bersama tadi, bukan? (Biar mereka respon)
2. Mengapa tidak semudah itu? (Biar mereka respon)
3. Apakah yang perlu dipertimbangkan ketika membuat pilihan? (Biar mereka respon)
4. Kita perlu menentukan siapa orang yang benar-benar penting atau yang mempunyai nilai, sama ada untuk kita atau untuk masyarakat atau untuk hal yang lain.
5. Anda mungkin menyelamatkan bapa anda kerana dia sangat penting bagi anda, tetapi yang lain tidak. Mereka mungkin anda tidak pentingkan kerana mereka sudah tua dan anda pentingkan yang muda, atau seseorang yang ada boleh menyumbang kepada kepentingan bersama.
6. Dalam beberapa situasi, masyarakat mungkin didorong oleh nilai yang kurang baik atau kurang penting, seperti penumpang yang menyelip masuk tanpa membayar tambang yang dianggap pencuri.
7. Kita perlu sedar bahawa sesiapa sahaja yang masyarakat anggap tidak penting seperti pengemis-pengemis, anak-anak yatim (biar mereka cadangkan contoh yang lain), atau masyarakat yang bermasalah contohnya mereka yang mengalami gangguan mental, penjenayah-penjenayah (minta mereka cadangkan contoh lain) selalunya tidak akan diberi peluang oleh orang lain.
8. Secara sedar atau tidak sedar, kita semua cepat melabel orang-orang disekeliling kita. Kita hanya mempeduli orang-orang yang

- kita anggap penting atau layak untuk dikasih, atau berbaloi untuk waktu yang kita luangkan ke atas mereka.
9. Tidak seperti kita, Allah mempedulikan sesiapa sahaja yang diciptakan-Nya dan menganggap semuanya penting dan layak untuk dikasih.
 10. Pada sisi yang lain, kehidupan kita seperti sebuah kapal yang karam, iaitu kita terus tenggelam oleh dosa. Namun kerana kasih Allah, Dia tidak membiarkan kita supaya terus tenggelam dalam dosa.
 11. Tanpa melihat sama ada kita layak untuk dikasih atau tidak, Dia mengambil langkah untuk menyelamatkan kita semua dari kapal yang sedang tenggelam dan memulihkan hubungan antara Dia dan kita serta antara satu dengan yang lain.
 12. Kita akan sama-sama melihat bagaimana Allah lakukan ini.

B. Di Penghujung Jalan?

1. Kita telah mempelajari dari sesi yang lepas ketika Adam dan Hawa jatuh dalam dosa, hubungan mereka dengan Allah terputus.
2. Kerana itu, ada beberapa kesan yang dahsyat terhadap umat manusia:
3. Kita tidak berada dalam hadirat Allah lagi (Kejadian 3:23)
4. Kita tidak dapat memandang wajah Allah dan hidup (Keluaran 33:20)
5. kita sekarang dihukum mati, ini bermakna bahawa kita akan menghadapi kematian fizikal mahupun pemisahan rohani dari Allah (Roma 5:12)
6. Dosa telah memisahkan kita daripada Allah dan menyebabkan penghakiman-Nya dan kematian dijatuhkan kepada kita. Itu mungkin menjadi penghujung bagi kita jika Allah tidak mengambil langkah untuk menghapus dosa kita dan mengampuni kita semula.

C. Pengenalan cerita

1. Kekudusan Allah menuntut tidak ada sesuatu yang tidak kudus datang ke hadirat-Nya. Dia mengajar umat-Nya bahawa tanpa pengorbanan darah tidak ada penyucian dosa (Ibrani 9:22). Harus ada satu hukuman untuk membayar semula atau menebus dosa. Hanya penumpahan darah sahaja yang boleh memuaskan semua ini.
2. Pada zaman Perjanjian Lama, iaitu di bawah perjanjian Allah yang lama dengan umat Israel, mereka diharuskan mempersembahkan seekor binatang yang tidak bercacat-cela sebagai persembahan untuk menebus dosa-dosa mereka.
3. Setiap tahun, imam besar harus mempersembahkan korban darah

untuk dirinya sendiri dan juga dosa-dosa bangsanya sebelum dia memasuki Tempat Maha Kudus yang terletak di sebalik tirai. Ini merupakan sebagai tempat mewakili kehadiran Allah.

4. Bagaimana pun, penulis Kitab Ibrani memberitahu kita bahawa korban darah binatang tidak akan dapat menyucikan dosa sepenuhnya kerana amalan ini hanya sebagai pembersihan luaran sahaja (Ibrani 9:9-10). Semua ini hanyalah sebagai persiapan Allah untuk mencapai apa yang sudah dirancang oleh-Nya tentang apa yang akan dipenuhi dalam Yesus Kristus.
5. Hanya melalui pengorbanan Yesus di kayu salib sekali sahaja apabila Dia mencurahkan darah-Nya sendiri yang akan menebus dosa manusia di dunia (Ibrani 9:27-28). Dia adalah korban yang sempurna yang memenuhi persyaratan Allah dalam persembahan darah untuk menebus dosa. Darah Yesus yang tercurah mampu membayar sepenuhnya hukuman ke atas dosa dunia.

D. Salib: Kasih Allah Tersingkap

1. Jika manusia tidak berdosa penyaliban tidak akan diperlukan. Selepas merasa kebaikan Sang Pencipta mereka, Adam dan Hawa, dan semua kita memilih untuk berpaling dari Allah. Dengan itu, kita memberontak terhadap Allah. Kita gagalkan Dia dan terlepas daripada apa yang Dia mahu lakukan untuk kita.
2. Salib bukan hanya sebagai tanda kegagalan manusia di hadapan Allah, tetapi salib juga melambangkan kasih Allah dan kemenangan untuk kita. Kita mungkin telah menggagalkan Allah, tetapi Dia tidak pernah menggagalkan kita.
3. Allah tidak akan membiarkan dosa, kejahatan dan kematian sebagai penghujung bagi semua. Untuk mengalahkan mereka, Tuhan memilih untuk membayar dengan harga yang sangat mahal. Dia memilih untuk menjadi seperti kita, untuk mengalami buah-buah kegagalan kita, dosa kita, kemudian Dia membayar harga untuk menebus kita.
4. Jadi Allah sendiri, yang menjelma dalam diri Anak-Nya Yesus Kristus, menjadi manusia dan mencurahkan darah-Nya sebagai korban yang sempurna untuk menebus dosa dan kematian untuk kita semua. Inilah yang disebut dalam Alkitab sebagai kasih.
5. Baca Efesus 1:5-8, 2:4-5.
6. Salib memperlihatkan kasih Allah tercurah pada kita semua dan itulah kasih yang menawan semuanya.
7. Apakah yang dipenuhi oleh kematian Yesus di kayu salib untuk kita semua? (Biar mereka respon). Ia melakukan dua hal:
 - (a) **Dia mengalahkan dosa dan kematian**
 - Sekarang tidak ada lagi halangan yang memisahkan

manusia daripada Allah. Yesus telah membebaskan kita daripada dosa (Roma 6:22) dan kita diberikan kehidupan yang baru. Hubungan kita dengan Allah telah dipulihkan (1 Petrus 2:25).

- Sekarang tidak ada lagi pemisahan yang kekal antara manusia dengan Allah. Maut telah dikalahkan dan kehidupan kekal telah dikaruniakan kepada umat manusia (Roma 6:23).

(b) Dia mengalahkan kejahatan

- Iblis telah dikalahkan di kayu salib (*baca Kolose 2:13-15 untuk mereka*) dan ia tidak lagi berkuasa ke atas kematian dan dosa. Ia (Iblis) akan menghadapi kekalahan terakhirnya di Hari Penghakiman.
- Walaupun ia masih memiliki kuasa tetapi kuasa yang dimilikinya adalah kuasa yang terbatas. Kita tidak perlu takut pada kuasa Iblis kerana kita sudah memiliki kemenangan dalam diri kita sendiri melalui Yesus Kristus.

8. Kita tidak perlu lagi menjadi hamba dosa. Ini adalah mujizat kasih Allah yang menakjubkan yang telah diberikan kepada kita. Paulus memanggil kita untuk mati bagi dosa dan hidup bagi Allah dalam Yesus Kristus.
9. Kita diperintah untuk jangan membiarkan dosa menguasai kita semula. Kita dipanggil untuk menjalankan satu kehidupan yang baru dan penuh kekudusan yang membawa kita kepada kehidupan kekal.
10. Semua ini adalah kerana kasih anugerah Allah. Kerana kasih Allah yang besar:
 - (a) Kita tidak lagi perlu hidup terpisah dari Allah kerana dosa dan kesalahan kita. Kita boleh datang ke hadirat Bapa melalui iman dalam Yesus dan memiliki keyakinan bahawa Dia akan mendengar doa kita.
 - (b) Kita memiliki kuasa untuk tidak melakukan dosa. Dalam kelemahan kita dan godaan untuk berdosa dan melakukan kejahanatan, kita memiliki kuasa Allah dalam kita melalui Roh-Nya untuk menolong kita.
 - (c) Kita mempunyai keyakinan bahawa apabila kita mati, kita tidak dipisahkan dari Allah melainkan kita akan hidup abadi di hadirat-Nya.



Doa

Tutup sesi ini dengan mendoakan agar Tuhan akan mengajar mereka untuk datang ke hadirat-Nya dengan berani.

Sesi 8: Satu Dunia Yang Baru



Objektif-Objektif Sesi

1. Menyedari bahawa Yesus akan datang untuk kedua kalinya dan tidak ada seorang pun yang tahu bila itu akan terjadi selain Allah Bapa.
2. Mengetahui bahawa dalam kedatangan Yesus yang kedua, seluruh dunia akan dihakimi oleh Allah sebelum Dia memberikan satu syurga dan bumi yang baru.
3. Mempelajari bahawa Allah memanggil mereka supaya sentiasa berjaga-jaga dan untuk hidup kudus dan setia sambil menunggu kedatangan Yesus.
4. Memikirkan bagaimana mereka harus hidup dalam mempersiapkan diri mereka untuk kedatangan Yesus yang kedua kali.



Pencetus Minat

Ada Apa Dalam Nama?

1. Suruh mereka menggambarkan diri mereka dengan menggunakan kata sifat untuk setiap huruf yang terdapat dalam nama anda.
2. Contohnya nama 'Maria' boleh ditulis seperti:
 - M - Mesra
 - A - Aktif
 - R - Ramah
 - I – Imaginatif
 - A - Adil
3. Kemudian minta setiap mereka mengongsikan hasil aktiviti ini.



Aktiviti Bersama Apabila Kristus datang lagi

Bahagikan para peserta kepada tiga kumpulan. Tetapkan kumpulan untuk mencari dari set ayat-ayat berikut tentang kedatangan Yesus yang kedua kali. Apabila mereka selesai, suruh mereka kongsikan hasil perbincangan mereka.

1. Yohanes 14:2-3; Matius 16:27, 24:36; Lukas 12:39-40
2. Matius 24:4-14; 2 Timotius 3:1-5
3. Wahyu 20:11-15; 2 Korintus 5:10; Filipi 3:20-21



Renungan Firman Tuhan

(beri mereka beberapa minit untuk membuat Renungan Firman Tuhan)

A. Pengenalan

1. Dari aktiviti “Ada Apa Dalam Nama” di awal sesi ini, anda sedar ada yang lebih daripada sekadar nama tentang siapa diri anda. Nama anda sebenarnya boleh digunakan untuk menggambarkan diri anda.
2. Nama Yesus juga mempunyai banyak maksud. Apa yang anda tahu tentang maksud nama “Yesus”? Biar mereka respon)
3. "Yesus" bermaksud "Allah menyelamatkan". Allah memberi nama Yesus yang menandakan apa yang Dia akan lakukan dan Yesus memenuhi apa yang dinyatakan melalui nama-Nya.
4. Pada sesi yang lepas anda mempelajari bagaimana Yesus menyelamatkan kita dan mengapa Dia menyelamatkan kita. (*Minta mereka mengimbas kembali apa yang mereka sudah pelajari*).
5. Melalui dosa Adam dan Hawa, kematian telah memasuki dunia dan mempengaruhi semua umat manusia. Tetapi melalui kematian Yesus, kita telah dibenarkan menjadi orang yang benar di hadapan Allah. Kita tidak perlu lagi menghadapi penghakiman Allah kerana dosa kita. Tetapi lebih dari itu, kita telah diselamatkan dan diberi kehidupan yang baru di dalam Yesus Kristus, sekarang dan sampai selama-lamanya
6. Kehidupan yang baru hanya akan lengkap apabila Yesus kembali dan membawa satu dunia yang baru seperti yang Dia janjikan.
7. Apakah yang akan berlaku bila Yesus kembali? Bagaimana kita harus hidup sementara kita menunggu kedatangan-Nya? Inilah yang kita bincangkan dalam sesi ini.

B. Fakta (Yohanes 14:2-3; Matius 16:27,24:36; Lukas 12:39-40)

1. Alkitab menyatakan banyak rujukan tentang fakta bahawa Yesus pasti akan datang kembali.
2. Yesus sendiri juga mengatakan demikian sepanjang pelayanan-Nya bahawa Dia akan kembali lagi ke dunia ini.
3. Apa yang tidak Dia nyatakan ialah waktu dan bila Dia akan kembali.
4. Walaupun ada banyak perdebatan terjadi di antara orang Kristian tentang bila kedatangan Kristus yang sebenar, namun Alkitab sendiri tidak menyatakan. Ia hanya mengatakan bahawa Dia datang pada waktu kita tidak menyangkakan (Lukas 12:40)
5. Tetapi tentang hari dan saat itu tidak seorang pun yang tahu,

malaikat-malaikat di syurga dan Anak Allah sendiri pun tidak tahu, hanya Allah Bapa sahaja yang mengetahuinya (Matius 24:36)

6. Oleh itu tidak ada faedahnya bagi kita risau untuk meramal tarikh kedatangan sebenar Yesus. Apa yang Alkitab nyatakan ialah kita mengakui Yesus pasti akan kembali dan sentiasa bersedia untuk kedatangan-Nya.

C. Peristiwa-Peristiwa (Matius 24:4-14; 2 Timotius 3:1-5)

1. Walaupun kita tidak pernah akan tahu bila kedatangan Yesus yang sebenar, namun Alkitab ada menyatakan perkara-perkara yang akan terjadi yang menyatakan bahawa kedatangan Yesus sudah dekat:
 - (a) Ramai nabi palsu akan datang menyatakan diri mereka sebagai Kristus dan menyesatkan banyak orang. (Matius 24:4,10-11).
 - (b) Banyak bencana alam seperti gempa bumi dan kelaparan, termasuklah bencana yang dibuat manusia seperti perperangan akan berlaku di merata-rata dunia (Matius 24:6-8).
 - (c) Akan ada peningkatan perilaku kejahatan dan orang-orang durhaka, bahkan di antara umat Allah (Matius 24:12;2 Timotius 3:1-5).
 - (d) Injil akan diberitakan di seluruh dunia dan menjadi kesaksian bagi semua bangsa, sesudah itu barulah tiba kesudahannya. (Matius 24:14)
2. Yesus mengingatkan murid-murid-Nya bahawa mereka harus berjaga-jaga untuk mengenali tanda-tanda kedatangan-Nya. Nabi-nabi palsu akan memberitakan hal yang salah dan akan menyesatkan mereka.
3. (*Minta mereka membincangkan sama ada perkara-perkara seperti itu sudah dan sedang terjadi di sekeliling mereka*).

D. Kedatangan Yesus Yang Kedua Kali

(Wahyu 20:11-15; 2 Korintus 5:10; Filipi 3:20-21)

Kita telah diperingatkan bahawa apabila kedatangan Kristus yang kedua kali, beberapa peristiwa akan terjadi:

- (a) Semua orang akan berdiri di hadapan takhta penghakiman Allah untuk diadili sesuai dengan apa yang telah mereka lakukan (Wahyu 20:11-15). Mereka yang namanya tidak tertulis dalam Kitab Kehidupan akan menghadapi kebinasaan kekal bersama-sama dengan Maut dan Neraka (Hades. Orang-orang Yahudi percaya bahawa ini adalah

tempat orang mati).

- (b) Mereka yang telah menerima Yesus sebagai Penyelamat mereka, yang namanya telah tertulis di dalam Kitab Kehidupan, akan dinilai oleh Allah semua pekerjaan baik dan buruknya. Dia kemudian akan membalaas mereka sesuai dengan pekerjaan mereka (2 Korintus 5:10).
- (c) Mereka yang telah menerima Yesus sebagai Penyelamat akan menerima ‘tubuh yang baru’ untuk menjadi sama seperti Yesus dalam kemuliaan-Nya. Paulus mengatakan bahawa tubuh baru kita akan menjadi mulia, kekal dan rohani (Filipi 3:20-21; 1 Korintus 15:42-44).
- (d) Akhirnya Allah akan menurunkan satu langit dan bumi yang baru di mana kita akan hidup di hadirat-Nya untuk selamalaman (*minta mereka merujuk Wahyu 21:1-4*). Inilah dunia baru yang mulia, yang dijanjikan oleh Allah di mana kasih Allah disempurnakan melalui kematian Yesus untuk kita.



Aktiviti Tambahan

Sebelum Kedatangan Kristus Yang Kedua Kali (20 minit)

1. Bahagikan mereka dalam beberapa kumpulan (atau tetap berada di kumpulan masing-masing) dan suruh mereka bincangkan pertanyaan berikut:
Jika anda diberitahu bahawa Yesus akan datang esok, bagaimanakah anda menjalani kehidupan anda dalam masa 24 jam?
2. Kemudian minta beberapa orang untuk mengongsikan jawapan mereka.

E. Apa Yang Harus Kita Lakukan?

1. Waspadalah! (Markus 13:32-37)

- i. Kebanyakan kita tidak mengambil serius untuk setia kepada Yesus. Kita menjalani hidup kita seolah-olah Yesus tidak pernah akan kembali.
- ii. Yesus memperingatkan murid-murid-Nya bahawa tidak ada seorang pun yang akan tahu bila Dia akan kembali. Oleh kerana itu Dia menyeru mereka untuk berhati-hati, berwaspada dan jangan sampai tertidur. Pada fikiran anda apakah maksud ini? (*Minta mereka melihat perumpamaan dalam Markus 13: 34-36 dan kemudian minta mereka untuk memberi respon*).
- iii. Kita seperti para pelayan, masing-masing diberikan tugas untuk

dilakukan sementara menunggu tuannya kembali. Tanggungjawab kita bukan malas dalam kerohanian dan membazir masa mengikut cara dunia. Jangan kita hidup seolah-olah kita memiliki semua waktu di dunia untuk menikmati kehidupan sebelum kita mempertimbangkan untuk hidup serius bagi Allah.

iv. Tuhan memanggil kita untuk hidup setia sebagai hamba-Nya dan mengingatkan kita bahawa Dia pasti akan datang kembali. Jika kita hidup setia kepada-Nya, kita tidak seharusnya bimbang tentang bila kedatangan Yesus. Kita akan terus hidup dengan cara yang sama.

2. Kuduslah! (1 Petrus 1:13-15; 2 Petrus 3:10-14)

- i. Petrus mengatakan bahawa kita harus hidup dan harapan kita ditumpukan kepada kedatangan Yesus Kristus. Kita berharap kedatangan-Nya kerana Dia akan memberikan kita kehidupan yang kekal.
- ii. Untuk itu, kita dipanggil untuk mempersiapkan mendisiplinkan fikiran dan hati kita dan menjalani kehidupan taat kepada Allah.
- iii. Ketaatan ini akan membentuk pola hidup kita sama seperti Allah. Sama seperti Allah adalah kudus, jadi kita dipanggil untuk menjadi kudus juga.
- iv. Apabila Yesus kembali, semuanya akan dimusnahkan. Kita akan berdiri di hadapan Allah dengan hidup kita. Jadi Petrus menasihatkan kita untuk melakukan dan menjalani kehidupan yang murni dan sentiasa taat sementara kita menanti kedatangan Yesus.
- v. Kita tidak harus memikirkan untuk hidup dalam kekudusan hanya bila kita memikirkan bahawa kedatangan Yesus semakin dekat, atau apabila kita menghadapi masalah dalam kehidupan kita. Yesus pasti akan datang, maka kita harus hidup dengan setia dan kudus.

3. Bersabarlah! (Yakobus 5:7-8; 1 Yohanes 2:28)

- i. Yohanes memanggil kita untuk hidup dalam ketaatan sambil menantikan kedatangan Yesus. Bila waktu itu tiba, kita akan berdiri di hadapan-Nya dengan penuh keyakinan, dan tidak malu akan diri kita.
- ii. Ini bermakna kita harus terus berdiri teguh dalam Yesus tanpa mengira keadaan baik ataupun buruk. Yakobus memanggil kita untuk bersabar dan untuk berdiri teguh dalam iman kita. Kita tidak menanti kedatangan Yesus dalam keadaan yang takut

- tetapi dalam kesabaran dan mengantisipasikan hari kedatangan-Nya.
- iii. Alkitab mengatakan bahawa Tuhan pasti akan kembali. Kita harus tetap setia meskipun kita harus berhadapan dengan cabaran atau kita digoda untuk kembali kepada cara kehidupan yang lama.
 - iv. Bila Yesus datang kembali, Dia akan menghapuskan segala air mata kita. Dia akan membalias semua perbuatan baik kita serta semua penderitaan yang kita alami demi-Nya.



Renungan Peribadi

Berdoalah untuk mereka supaya dalam kasih karunia Allah, mereka akan terus berusaha untuk hidup dalam kekudusan semenara menunggu kedatangan Yesus yang kedua kali. Anda boleh tutup sesi ini dengan membaca doa yang terdapat pada Ibrani 13:20-21.

Siri buku OBOR Belia yang diterbitkan oleh Wawasan Penabur Sdn. Bhd. ini mengandungi tema-tema utama iman Kristian dan isu-isu praktikal yang dihadapi oleh pemuda-pemudi zaman sekarang. Sebanyak 25 buku dalam Siri OBOR Belia yang merangkumi kurikulum 5 tahun telah dirancang untuk kegunaan pemuridan dan persekutuan belia.

Ada empat kategori utama untuk siri OBOR ini: *Asas-asas Iman, Kehidupan dalam Kristus, Isu-isu Praktikal* dan *Cara Menghadapi Kepercayaan-Kepercayaan Lain*. Semua pelajaran telah ditulis dengan lengkap dan sistematis, mengandungi ajaran Alkitab yang kukuh, bersifat interaktif dan sedia digunakan oleh para pembimbing dan belia.

Buku yang kelima belas, "**Penyelamatan: Yakin & Percaya**" membincangkan soalan-soalan yang sering dihadapi bukan sahaja oleh mereka yang baru dalam iman, tetapi juga oleh mereka yang berasal dari keluarga Kristian generasi kedua hingga keempat. Dengan terjawabnya keraguan-keraguan tersebut, adalah diharapkan satu dasar kerohanian dan kebenaran yang berasaskan firman Allah akan terbentuk dalam hidup para belia Kristian. Ini akan diperkuatkan lagi apa dengan apa yang kita percaya, dan diharapkan akan membuka minda para belia bagaimana Allah mengenapi rancangan-Nya dari awal penciptaan hingga akhir dengan mengutus Anak-Nya Yesus untuk menebus kita dan memberikan kita satu kehidupan yang baru.



"Didiklah orang muda menurut jalan yang patut baginya, maka pada masa tuanya pun ia tidak akan menyimpang dari pada jalan itu" (Amsal 22:6).

"Pendekatan buku ini sungguh segar. Aktivitinya yang kreatif dapat menawan minat belia. Kurikulum OBOR Remaja dan Belia yang ditulis menurut konteks kebudayaan Malaysia serta memberi penekanan praktikal sungguh berguna bagi pertumbuhan belia. Saya yakin bahawa kurikulum ini akan menolong mereka untuk berdiri teguh dalam iman, dan membimbing mereka untuk menyumbang terhadap pembangunan masyarakat yang bermoral, bersifat penyayang dan berperihatin."

Rev. Danil Raut, Presiden Sidang Injil Borneo (SIB) Semenanjung

"Masa depan gereja di Malaysia sangat bergantung kepada bagaimana kita mempersiap dan memuridkan generasi muda kita hari ini. Mereka adalah aset gereja yang sangat berharga dan merupakan calon pemimpin dalam pelayanan gereja pada masa akan datang. Kita memerlukan bahan pemuridan yang sistematis, menyeluruh dan menekankan pengajaran Firman Tuhan untuk melahirkan satu generasi yang kuat dan berdaya saing dalam dunia yang sangat mencabar ini. Saya ingin mendorong gereja-gereja berbahasa Malaysia dan Orang Asli (OA) menggunakan OBOR Belia ini untuk tujuan memperdalamkan pemahaman Alkitab dan pembentukan supaya mereka boleh bertumbuh sebagai pengikut Kristus. Siri buku ini akan membantu melahirkan generasi muda orang Kristian yang mantap di Malaysia."

Alfred R. Tais, Setiausaha Eksekutif Komisi Bahasa Malaysia,
National Evangelical Christian Fellowship (NECF)